

*Quod Felix Faustumque sit!*  
DISSERTATIO INAUGURALIS  
MEDICA,

ΠΤΑΡΜΟΥ

*sive de*

STERNUTA-  
TIONE,

*Quam*

In Illustri Argentoratensium Universitate,

*Ex Gratoso Permissu*

*Incltyi Medicinæ Procerum*

*Collegij,*

Pro Licentia

Summos in Arte Medica Honores & Privilegia

Doctoralia ritè consequendi,

*Eruditorum Solenni atque Publico Examini*

*subjicit*

JOHANN. MICHAEL FAUSTIUS,

Argentoratensis.

*Ad Diem 30 Mens. Octob. M. DC. LXXXVIII.*

*Horis, locoque solitis.*

---

ARGENTORATI, Literis JOHANNIS PASTORII.



*Illustrissimus Boyleus Experimento XXII. Tractatus de Vi Aeris Elastica.*

In rerum natura perplurima reperiuntur, quæ quasi vulgaria nimis fastidioso solemus oculo despicere, quorum singula intellectum nostrum exercerent si non plane implicarent, modo non levi contemplatione, sed arrectis, ut decet animis penitus intropiceremus, & data, quam possumus, opera, illorum naturas, ut nobis aliisque satisfaceret, explicare conaremur,

*Galenus l. 2. de Motu Muscular. c. 5.*

Qui evidentibus fidem abrogat, sensus est expers: qui vero de dubiis prompte pronunciat, temerarius est: qui autem propter obscuritatem, quæ in his inest, quæ etiam clara sunt habet suspecta, de numero eorum est, qui dubitationibus oblectantur: porro qui non modo suspecta habet, verum etiam quæ clara sunt, propter obscuritatem dubiorum studet evertere, extreme fatuus est. Ne igitur sponte sensum nobis ipsi adimamus, neque dubitationis æmuli, aut fatui, aut aliud ejusmodi quidvis simus: Sed quod tum rectum est, tum modestis hominibus convenit, quod quidem evidens est, prompte accipiamus: quod autem est dubium, per ocium quæramus,







## C. B. D.



B Hippocrate Coo, Duce Ar-

I.

tis nostræ certissimo, cujus dogmata sunt  
prorsus irrefragabilia, ceu testimonium ha-  
bentia à sanissima ratione & certissima ex-  
perientia, sunt nobis scribendi capienda  
primordia. Qui librum *de Flatibus*, à Medi-  
cinæ præstantia, & Hujus difficultate,  
exorsus est, & ex Hujus incommodis,

quantam Medicus animo molestiam capiat, ostendit: Ὁ μὲν γὰρ  
Ἰντρός ὀρέει τὰ θεινὰ, διγγάνειτ' ἀνδρών, καὶ ἐπ' ἀλλοτείησι ξυμφορῇσι  
ιδίαις καρθεῖται λύπαις. Ὅι δὲ νοσέοντες ἀπαλλάσσονται τῶν μεγίστων  
κακῶν διὰ τὴν τέχνην, νόσων, πόνων, λύπης, θανάτου. Πᾶσι γὰρ τυττίεισι  
ἀντικρυσ Ἰντεικὴ δέεισται ἀκесоείς. Ταύτης δὲ τῆς τέχνης τὸ μὲν  
φλαῦρον χαλεπὸν γινῶναι. §. Quæ, l. c. r. 3. est ἀφαιρέσις καὶ ἀφαίρεσις:  
ablatio quidem τῶν ὑπερβαλλόντων; adpositio vero τῶν ἐλλειπόντων.

2.

Quæcunque itaque Ars Medica eorum quæ excedunt aufert, quæ  
vero deficiunt adponit: ἢ φύσις αὐτομάτῃ ταυτὰ ἐπίσταται: Natura  
eadem sua sponte novit: l. 1. *de Dieta* r. 14. Quasi dicat: Ars quid  
facere debeat, nisi Naturæ indicio non novit. Hæc sola δηλοῖ τοῖσι  
τὸ τῆς τέχνης εἶδόςιν ἀ ποιητέα: demonstrat Artis peritis, quæ fa-  
cienda sunt: l. *de Arte*, r. 22. Hæc, Arti nostræ non modo ad imi-  
tandum proposita, sed & ad imperandum præposita, atque mon-  
stratrix agendorum est optima. Quæ repugnante, Medicina nihil  
proficit: *Celsus* l. 3. c. 1. Sive Natura est vis, quæ ex se ipsa movetur,  
ut, in *Definitionibus Galeno adscriptis*, notatum. §. Hac vi, inquit  
*Th. Erasius*, acerrimo Vir ingenio, in *Disp. de Convuls.* th. 106, distri-  
buitur alimentum, vacuantur singularum partium excrementa,  
moventur in singultu & vomitu ventriculi tunica, efficiuntur

3.



- crises, diarrhoea, mensium purgationes, aliaque similes excretion-  
 nes. Nec alia est virtus, quae per rigores corpus tanta vi quatit,  
 quae sternutationes ciet, quae destillationes & reliquas fluxiones  
 concitat, quae pulsus cordis & arteriarum producit, &c. Hac fa-  
 cultate cerebrum spoliare non possumus, cur enim quod omnibus  
 aliis partibus concessum est, cerebro, parti principi, negatum pu-  
 temus. §. Cerebrum curiae regalis & judicialis sedis nomine ve-  
 nit: Mens dominatur & rerum potitur: Ut quicquid ceteris sub-  
 jectis corporis partibus accadat, cerebro, inque eo dominantī  
 menti, sit offerendum, quod oblatum, recipit, receptum percipit,  
 perceptum judicat, ut motio tandem inde sequatur. §. De motu  
 cerebri est dubium, de qualitate vero maximum, & quidem ge-  
 minum: Unum an sit ipsius substantiae cerebri? an vero membra-  
 narum ejus? Alterum, an sit substantiae vel membranarum per se?  
 an per accidens? seu quatenus innexas habent arterias: Nam de  
 hoc quoque, quoad membranas dubitasse veteres scribit *Galenus*  
 l. 4. de Diff. Puls. c. ij. §. Cerebrum movetur ex se & sua sponte,  
 secundum *Fernelium* l. 6. Physiol. c. 13. Ita *Baubinius*, *Riolanus*,  
*Mercatus*, *Sennertus*, & *Plempius*, citante *Diemerbræck*. l. 3. Anat. c. 5.  
 Ita *Vallesius*, *Controvers. Med. & Philosoph.* l. 2. c. 26. & alii. Cere-  
 brum non per se, sed per accidens movetur, sequiturque exactis-  
 sime motum arteriarum: *Diemerbræck*. l. c. *Cl. Bohnius*, *Progymn.*  
 20. *Circul. Anatom.* Consentit *Ioh. Baptist. du Hamel*. l. 3. de Corp.  
 Anim. c. 5. *Raymund. Vieussens*. l. 1. Neurograph. Univers. c. 6. Mem-  
 branas cerebri & cerebrum ipsum intus sub cranio privatim mo-  
 tari, negavit *Excell. Schneiderus* l. de Osse Cribriform. p. 449. Et, l. de  
 Catarrh. Specialiss. p. 293. Ingeniosissimus *Willis* c. 6. & 9. Cerebri  
 Anat. Recessit ab his *Mayovv*, *Anglus*, *Oper. Med. Phys.* p. 331, Quem  
 vide. Ab hoc *Fr. Glissonius*, *Tract. de Ventr. & Intest.* p. 183. §. Si  
 quæris quid ego sentiam? mei judicii esse statuo nihil: Memor  
 istius *Ciceronis*: Cavendum est, ne his rebus temere assentiamus;  
 ne facile aliquando in aliam sententiam discessurus sim, quod mi-  
 natur *Diemerbræck* l. c. *Highmoro*, Medico theorico insigni, & Phy-  
 sico præclaro. §. Oriuntur è cerebro Nervi. De horum structura  
 & progressu videatur *Baptist. du Hamel*. l. 4. de Corp. Anim. c. 12. De  
 fibrillis nerveis innumerabilibus primi paris in membranam quæ  
 inte-



interiorem narium cavitatem succingit, Ejusdem *l. 2. c. 3.* Quibus quod præcipuum est, manifestam & humore scatentem concessit cavitatem *l. 4. c. 2.* Et his fibris à dura matre oriundis, cum nervulis à tertio pari, quod nobis est quintum, prognatis, os ethmoides sic occludi statuit, ut nullum excrementis cerebri, aut liquori ulli, transitum præbeat: *l. 2. c. 3.* Magno hinc argumento, tunicam narium tam exquisitum sensum ab illis fibris mutuari. *ibidem.*

§. Sed, quantum ponderis his insit, excutiendum jam non sumo. Per nos valeant, saltem in quantum pro nobis faciunt. §. Inter fibras & nervos distinxit supralaudatus *Schneiderus l. de Spasm. Natur. & Subj. tract. 3. c. 9:* Fibræ & nervi oppido differunt, lane quam mendose à nonnullis confunduntur, quos fileo, autores magis laudare, quam vituperare paratus. Nec nisi inepte fibræ cognominantur nervosæ &c. §. Sed hæc, *Vir Clarissime*, impedire non debent, quo minus fibras vocemus quæcunque filamenta subtilia & alba, quæ ad instar ac vice staminum densius aut rarius per partes sunt dispositæ, & quia consuetudo, quæ, ut cum *Curtio* loquamur, diluit crimen, nos jubet fibras dicere, dicamus. Nobis consentit *Willis, c. 19. Cerebr. Anat.* quem vide. §. *Iste, l. c. paragr. ult:* In eo pudendo errore versatur *Willis*, quo nervum opinatur esse subjectum spasmû, eumque aut contrahere tam pertinaciter, aut agitare tam vehementer musculos, ac hinc artus ipsos. Sed *tract. cit. c. 8.* illæ musculi partes, quæ plurimum faciunt ad contractionem voluntariam & hinc naturalem, sunt principes sedes spasmorum, ut fibræ, & tendo, ad quem pertinet aliquando ligamentum. §. Verum, evolve *Willisii caput 6. de Morb. Convuls. & c. 21. de Nervor. Descript. Exercit. de Mor. Muscul. p. m. 686.* & ne ullus scrupulus Tibi supersit, *c. 1. de Morb. Convulsiv:* Quæ apud Antiquos diu celebris increbuit opinio, affectionem hanc, scil. spasmum, tantum à repletionem, aut inanitionem, produci, (utcumq; huic stabiliendæ præter auctoritatem *Hippocratis*, proferatur exemplum de corio, aut fidium nervis, qui aut madido aëre impleti, aut nimis sicco inaniti contrahi solent.) facile ex se concidit, quia supponere videtur, (id quod nemini fragilitatem nervi experto credibile esse potest) nimirum ipsos nervos, quoquo modo abbreviatos atque contractos, posse vi quadam musculos ad se attrahere.

§. Quid

9.  
10.

11.

12.

13.



14. §. Quid hoc aliud? quam nervi corpus contrahi non esse aptum, ob exilem tenuitatem, qua corpora crassa secum non rapit & attrahit: ut *Schneiderus* ait *tract. 3. c. 2.* Quomodo vero Contractio Musculi fiat, *Exercit. de Mot. Musc. p. m. 678.* *Willis* docet, *Schneiderus* motionem voluntariam per facultates *tract. 3. c. 9.* circa fin.
15. explicat. §. Itaque, non ita temerè, *Vir Clarissime*, in D. *Willis*, dicereque, quemadmodum nova haud hæc (*Willisii*) opinio est, ita assensum nostrum haud meretur. Quid? autor solita peccat, utens verbis insolitis, alienisque, ob quæ tanto dignius reprobat: *Tract. 4. c. 11.* An vero Tua non sit antiquior altera, judicandum
16. aliis relinquo. §. Equidem *Hippocrates S. 6. Aph. 39.* dixit: Convulsio fit aut à repletione aut evacuatione. Sed & *l. de Cap. Vuln. t. 26:* Si quis in sinistra parte capitis ulcus habeat, illum in dextra corporis parte convulsio corripit & vice versa, Et *l. 1. de Morb. t. 3:* Si nervus disfectus fuerit, convulsionem facit, & ut disfectus neque coalescat, & fortiter inflammetur. *Aph. 2. Sect. 5:* Ex vulnere convulsio lethalis est. adde *Hollerii* commentarium.
17. §. Ergo Spasmus non tam à repletione aut inanitione, quam ab irritatione, secundum nostrum *Hippocratem*. A qua irritatione, tanquam causa solitaria, aliquando quidam spasmi oriuntur & producuntur: *Willis c. 1. de Morb. Convulsiv.* Hinc non video quid magis dixerit *Idem*, quam quod virtutem quandam explosivam in motu musculorum supposuerit. De qua, in *Exercit. de Motu Muscul. p. m. 684.* Verum, quantum circa hanc sententiam hæsitaverit *Willis*, demonstravit *Cl. Bohnius l. c. progymn. 19.* Alias difficultates movet *Mayovv. de Motu Musc. c. 1. Baptist. du Hamel l. 4. de Corp. Animal. c. 3.* Qui *Cl. Lovverum* huic opinioni contradicentem allegat.
18. §. Convulsionem seu spasmus esse nervorum pravam affectionem, qui à nimia ariditate, aut superflua humectatione decurtantur, & tunc musculos, in quibus ramificantur, violenter contrahendo, inflectunt, vel dilatant articulos, quibus annectantur, ut sententiam merito antiquatam, cum ab experientia & ratione evidentissime refutetur, proclamat *Ioh. Alphons. Borellus Neapolitanus, Part. II. de Motu Animal. C. XX. Propos. CCXII:* Quia nunquam nervi arefacti exiccati que visi sunt &c. *Schneiderus l. c. tract. 4. c. 1.* Opinio hæc est oblivione obruenda, ac ejus fautores nimii, sunt
- loris



loris operiendi. §. Sed, putamus ne, *Galenus*, Virū, ingenio acutissimo, quo pollebat, Asiatico, Pontificem illum maximum Medicorum, sicut *Scaligero* nominatur, nervos exsiccatos & arefactos in corpore vivo, Sibi imaginari potuisse: Non sane; Non potest excogitari major siccitas, quam quæ, in tabidis & marasmo confectis, accidit, in quibus, ut dicebat *Galenus* l. 1. de Diff. Februm c. 9. nihil fere remanet, nisi cutis & ossa, & non convelluntur, & convelli deberent; si ex siccitate nimia invivente fieri posset hæc nervorum decurtatio & convulsio. §. *Avicenna* l. 3. Fen. 2. tract. 1. c. 5. per siccitatem, privationem materiei, & humiditatis & dominium siccitatis, intellexit. Non privationem puram seu simplicem, qua totaliter corrumpitur habitus, ut cæcitas aut mors, sed privationem commixtam, cum habitu, quæ non totaliter removel habitum, sed est via ad ejus corruptionem, sicut ægrotudo est privatio sanitatis, & ab ista datur regressus ad habitum. §. Similitudine de chordis plerumque, aut de loris, usus fuit Veneranda Antiquitas, non quod inter chordam, vel loram, & nervum, nulla intercederet varietas, & hoc simile sit ἀπαράλλακτον, sed quod saltem secundum magis & minus sit convenientia: ἐν ᾧ μᾶλλον & ἥσσον, ut loquitur *Galenus* c. 1. in lib. Hipp. de iis quæ in Med. r. 4. fiunt. §. Vide *Borelli* propositionem sequentē. L. c. C. III. Propos. XXIV, C. XX. Propos. CCXIII. Colligemus illius hypotheses: 1. Nervus ex fibris constat. 2. inter fibras sunt interstitia non impedita: l. c. C. XI. Propos. CLIX. & CLXII. 3. in interstitiis est succus nerveus, nutritius, dulcissimus, soporiferus: l. c. C. XI. Propos. CLXV. 4. in fibris seu spongiosis tubulis vero, succus spirituosus seu locomotivus, quo fibræ turgent: l. c. C. XI. Propos. CLXII. Quique spiritus, quoad temperiem & energiam operandi, sunt acres, sulphurei, salinique activissimi: ut spiritus vini, l. c. C. XI. Propos. CLVIII. & fermentativi, CLXII. Qui ab eorum nervorum extremis orificiis exprimi & eructari possunt: l. c. Propos. CLVII. Intra sanguinem musculis contentum: l. c. C. XX. Propos. CCXIII. Unde ebullitio & displasio, qua musculus contrahitur & tenditur: l. c. C. XI. Propos. CLVII. Ut vero contrahatur & tendatur musculus, requiritur, ut concussio quædam convulsiva, facta à motu imperii voluntatis, in cerebro fiat: l. c. Propos. CLXII. Diffusio vero succi nutritii spirituoosi, fit ab ebullitione

19.

20.

21.

22.



- litione quadam ejusdem in cerebro, ex cujus effervescencia, rarefactione, & circumvolutione, subsequitur obstructio orificiorum ferè omnium tubulorum fibrarum nervosarum in cerebro hiantium, non interstitiorum, (quare? quia hæc irrigatio lenis dulcis & non mordicans, inepta est ad convulsivam illam irritationem faciendam, & ideo non exprimetur succus in spongiosis tubulis contentus *l. c.*) unde tempore somni maxime nutrimur & tamen cessat musculorum motus *l. c.* Denique ad dispoisionem continuatam efficiendam quantum sufficiat, vide *l. c. CXX. Propos. CCXIII.*
23. §. *Th. Bartholinus* vero insignis Anatomicus, in *Spicileg. de Vas. Lymph. c. 3.* Succus nutritius crassior est, quam ut exiles fibrarum poros pervadat: Reapse nihil succi per impervios nervos permeare, indubiâ sensus fidè facit. *Vieussens l. 13. c. 1.* Nevrograph: Nullam in corporis humani nervis manifestam cavitatem hactenus detegere potuimus, quam ob rem ipsos insensibilibus tantum meatibus præditos esse asserimus. Porro quid in hoc *Borelli* dogmate *Cl. Bohnius* desideret, vide *Progymn. 19. 29. Circul. Anat. Steno in Myolog. specim. p. 83.* de fluido musculi, quam incerta, quam nulla sit nostra cognitio, docet. Alia discursui reservabimus, §. Hic merito Venerandæ Antiquitati additus exclamare posset: ἡγάπηται καὶ ἡγάπηται: Fallitur & fallit, ut de iis agebat *Hippocrates l. de Veter. Med. t. 3.* qui rejecta Veteri & bene constituta Medicina novam cudere conabantur, §. Nostrum *Ejusdem Stenonis* Viri subtilissimi & Anatomici erit judicium *l. de Muscul. & Glandul. p. 21:* Temerarii essemus si hic nostrum interponeremus arbitrium: quare de causis modisque non liquere aperte pronunciamus. confer *Gualth. Needham de Form. Fæt. p. m. 159. Iacob de Back dissert. de Corde c. 2. sect. 1.*
24. §. Convulsio in totum non est, nisi ea quæ in solis accidit musculis: sive convulsionem, cujus proprium symptoma est depravatus motus, esse passionem musculorum, dixit *Galenus*. Quia *Vallesius l. 4. Controvers. Med. & Philosoph. c. 4.* nullus nervus qui in musculus non inseritur, habet motum. Nihilominus tamen *l. 2. c. 24.* istos qui distributi sunt in carnosam frontis cutem, frontem movere, sine musculis, affirmavit: quanquam hæc ipsa cutis, qua parte habet carneas fibras est revera musculus. Sic *Galenus l. 12. Meth. Med.* quatuor causas convulsionis esse dixit, inanitionem
26. reple-



repletionem, & humorem mordentem, & frigus. *lib. vero 8. de Compos. Med. Secund. Loc.* Ego vero in convulsione, tertiam aliquam causam, supra evacuationem & repletionem nondum reperi. §. Quæ loca inter se minime repugnant, sed diversimode tantum accipiuntur. Itaque, ex his, quæ à nobis hæctenus prolata sunt, patet, sternutationem esse motum quendam convulsivum, à causa externa internave excitatum quantitate vel qualitate peccante & quia membrana narium interior fibris tendineis sive nervosis tanquam partibus muscoli essentialibus conflata est, musculum seu expansionem musculosam dicere, haud absurdum erit. §. Cujus officium, non tantum ut interiorum narium cavitatem tegat, sed & si opus moveatur expellatque noxia, perpetuo aliàs natura quiesceret, nisi irritaretur, quæ irritatio supponit perceptionem & appetitum, ut de novo fibra excitetur. Mens percipit, grata appetit, ingrata fugit, abhorret à noxio, & quantitate qualitateve molesto, illudque quantum potest contractione removel, sibi, admirabili potius, quam explicabili ratione, viam invenit. §. Egregie Romanæ facundiæ Parens *Tullius Tusc. Quest. l. i. de Perceptione in mente*, scribit. *Receptio vero: quatenus, ab objecto inæquali, improportionato, motus impressus, nervosis partibus ac spiritibus animalibus menti occasionem dat, cogitationem seu ideam e. g. doloris producendi: quæ cogitatio jam est doloris cognitio, h. e. homo sentit dolorē, & scit se sentire dolorem, imò sentire est judicare hoc loco, nam, qui dicit dolere, dicit apprehendere objectum, tanquam noxium & infensum, quod non est aliud quam judicare. Dico hoc loco, quia perceptio aliquando est nuda, hoc est sine judicatione, quemadmodum in infantibus, pueris, adultioribus etiam imprudentioribus, brutorum fere more in oblatam rem, vix perceptam, illico, præcipiti studio quasi ruentibus, quotidiana docet experientia. In nobis omnibus: ventriculus nobis non cogitantibus corrugatione sive constrictione, sibi, non nobis, expellit molesta. Imo, qui ex *Averrhoë* separatricem aliquam facultatem dari contendunt, distinctam, ab attractrice, retentrice, concoctrice, seu alteratrice & expultrice, hi inquam ventriculo aliisque partibus electionem concedunt. Quæ alrix, species est facultatis vegetativæ, hæc potentiæ activæ animatis propriæ. Quæ potentia*

27.

28.

29.

B

activa



activa δύναμις τῇ ποιῆσαι ἢ δύναμις ἢ ὁρώτη dici solet, & sub se facultatem sensitivam rationalemve habet, illa sensitiva facultas generalis in sensum, appetitum, locomotivam facultatem, dividitur.

30.

§. Unde, ut, in sternutatione, membrana narium interior, moveatur, præter irritationem & hujus sensum, hoc est mentis perceptionem, etiam ejus, ad istam movendam, voluntas, licet expellat, requiritur.

31.

§. Dico homo scit se sentire dolorem. Scire enim dicitur tribus modis: id est, vel ut cognitione universali, vel ut propria, vel ut actu & operatione, quare etiam decipi dicitur tot modis, *Philosophus Analyt. Prior. l. 2. c. 21.* Homo ita sentit in sensatione dolorem, ut non decipi possit, quia objectum proprium, sub propria & non aliena χέσσει apprehendit & percipit. Dico, sentire dolorem, quia hoc objectum est ex iis quæ sub sensum cadunt, nihil vero à sensu absens, cognoscimus, secundum *Philosophum l. c.* Deinde dolor & voluptas est ἐν τῇ ὁπθυμικῇ in parte concupiscibili τῆς ψυχῆς *l. 4. Top. c. 5.* Vel, cum dolore semper cupiditas conjuncta est, tamen absurdum videatur, propter voluptatem, dolore affici: *l. 3. de Morib. ad Nicomach. c. 14. & Rhetoric. l. 1. c. 11.* Non vero in separatione partium conjunctarum, quia hæc διάσσις est ποιητικὸν ἀλγυδόν, effectivum doloris: *l. 6. Top. c. 6.* Non ergo separatio & dolor natura simul sunt, etsi in plerisque οὕτως π hoc verum esse *Philosophus l. Categ. c. 7.* demonstrat: Nam sensibile, prius sensu videtur esse, sensibile enim sublatum, simul tollit sensum: sensus vero sublatus, sensibile simul non tollit: Sic scibile prius est quam scientia, quia plerumque cum res antea exstiterint, earum scientias nanciscimur. Præterea scibile sublatum, simul tollit scientiam: Scientia vero sublata, rem scibilem simul non tollit, quia nisi sit scibile, non est scientia, si tamen scientia non sit: nihil prohibet scibile esse. Dico dolorem esse inconcupiscibili, ergo non potest esse voluntas quædam, quia voluntas est facultas libere eligendi aliquid vel fugiendi, simulque appetitum sensitivum moderandi: πᾶσα βέλαις ἐν τῇ λογιστικῇ in ratiocinativa est *l. 4. Top. c. 5.*

32.

§. Unde, expulso humoris, à causa violenta, in sternutatione hominis, non est libera anima rationalis electio; atque sic etiam differentia, inter facultatem sensitivam rationalemve, quam circa finem theseos præcedentis, posuimus, patet.

Hæc



§. Hæc secundum Philos. Aliis displicent, vide vero *Fr. Baconem de Verulamio Vicecomitem Sancti Albani de Dignitate & Augmentis Scientiarum ad Regem suum l. 7. c. 3.* Nobis, hæc non plane constant, facile tamen speramus, veniam impetratura, apud eum, cui in mentem venerit illud *Horatianum*: Non scire fas est omnia. §. Sed his missis, ne in immenſum excreſcat *Disputatio* noſtra, neque iis de-  
nuo involvamus ſubtilitatibus, quas alii ineptiarum, aut futilita-  
tum loco reputant, ad membranam narium revertimur. Ea irri-  
tatur in ſternutatione ab objecto. Hinc quidquid iſtam vel pre-  
mit, vel vellicat, ſenſumq; movere valet, ſtimulum eſſe dicimus,  
dummodo ſit extraneum quidpiam, gravans, vel lancinans, vel  
pungens, attrectansve, ſecans, vel divellens, vel exaſperans, mor-  
dicans, perforans, atque diſtendens, irritans, vellicans, erodens,  
aperiens, incidens, præcidens, impellens, contundens, frangens,  
rumpens, collidens. Ob particulas frigidas, pituitoſas, tenaces, vi-  
ſcidas ſive lentas. Vel ob calidas, bilioſas, ſulphureas, oleoſas.  
Sive ob ichoreſas, ſalinas, lixivioſas, urinoſas, acres, mordaces,  
corroſivas. Sive ob melancholicas, terreſtres, craſſas, fixas, acer-  
bas, aſteras, acidas. Rigidas, ramoſas, ſtriatas, ſpiculatas, acu-  
leatas, hiſpidas, ruderoſas, hamatas, ſerratas, cuſpidatas, ſagitta-  
tas, triangulares, quadrangulares, & ſi quæ his ſimilia nomina ex-  
cogitare velis mille. §. Dividuntur quæ hanc membranam irri-  
tant, in externa & interna. Externa ſunt odores fortes, graviores,  
acriores, ut raphani ruſtici, ceparum & ſimilium; medicamenta  
inſpirata, propter ſuam vellicationem, & hanc in ſequentem ſter-  
nutationem, ſternutatoria dicta, v. g. helleborus, piper, & quæ  
ſunt alia, de quibus infra. Internorum imprimis ſunt humores  
acres, bilioſi, calidi, ichoroſi, qui tenuitate ſua & impetu quem  
habent, inter fibrillas ſubito ſe poſſunt trudere, ſejungere atque di-  
vellere. Non ſunt excludendi humores, pituitoſi, quamvis minus  
moleſtè, tardiusque afficiant ea quæ dura non ſunt, & acerbitalis,  
auſteritalis, aciditalis, ſalfedinis, amarulentix atque acedinis,  
ſunt expertia, ut inſipida pituita, quæ potius quantitate quam  
qualitate offendit. Nihilominus tamen ſæpius ipſa pituita acri-  
bus humoribus eſt permixta, quæ, quocunque proruperit, maxime  
in non conſuetos locos, eos exulcerat: *Hipp. l. de Flat. t. 16. Et t. 17.*

33.

34.

35.



36. *Δεινὸν δὲ ὄν τὸ φλέγμα παροπίλοντε τῇ σαρκί, ἐλκοὶ καὶ ἀναρρηγνύει τὰς βλέφας.* Hoc sensu & iste intelligendus est Aphorismus Pathologicus de Affection. 1. 35: Lepra & pruritus & scabies, & impetigines, & vitiligo, & alopecia, καὶ φλέγματ' ὄνουνται, à pituita fiunt. §. Sive dividuntur in stimulos simplices vacuantes sine fermento & cum fermento, sine fermento, ut aliquid affricum naribus sternutationem movens, e.g. festuca, penna, pilus, aut titillatio, quæ fit palea, panis vel alterius rei mica, vini vel cuiusvis alieni liquoris stilla, radii solis, ambientis aëris calida, siccaque temperies, Frigidum valde, venas rumpit, & tussim movet, velut nix, glacies, *Hipp. Epid. 6. Sect. 3.* Tusles cœperunt circa solstitia hyberna, decimaquinta aut vigesima die, ex frequenti Australium & Aquilonarium ac nivolorum transmutatione, *l. c. Sect. 7.* Insuper evolve *Sect. 3. Aph. 5. 11. 12. 13. 14. 17. 23.* Rationem reddit *Porphyrus de Antro Nymph. p. m. 265.* βορέας γὰρ πύγνοσι ψυχροτέρῃ ἑσπέρῃ. *Holstenius* interpres: Hujus enim aura congelat constringitque, eo quod frigidior: καὶ δὲ τὸ νότε διαλύει θερμότερῃ ἑσπέρῃ, contra Austri flatus dissolvit, quia calidior est. §. Verum quod hoc non generaliter de omnibus locis intelligendum sit, docet *Varenius l. 1. Geograph. General. c. 20. Propos. 16.* §. Pergit *Porphyrus p. 266:* Moribundos Boreæ aura afflans refocillat, & agre animam trahentes: Austrum vero Diis attribuentes, mero meridie in templis Deorum δειπνίσματα ἑλκυσῖ; interpres, cortinas reducunt. §. Neque adeo salubris est, quin noceat Aquilo: *Celsus l. 2. c. 1.* Auster aures hebetat, sensus tardat, capitis dolorem movet, alvum solvit, totum corpus efficit hebes, humidum, languidum. §. Non tantum frigus constipat & humores intro cogit, sed & frigidum mordax est, concedet autem hoc facile, frigidas qui peragravit plagas, vel gelidas angustasque montium fauces perambularit: evolve *Aph. 17. Sect. allegatæ.* §. Ad stimulos sine fermento, pertinent narium ulcera, quatenus membrana à materia acri divellitur. Pilorum nasi evulsiones subitæ & vehementes. Denique quæcunque membranæ narium fortius adhærent, dum ab ista sejunguntur, dolorem pariunt. §. Cum fermento, hoc est, si cum stimulo conjuncta est facultas aliqua, ut loqui amant, intro penetrans, & hu-
- mores



mores subigens, ut si quid ab odore corpore exspiret, quod villos subeat, erit stimulus cum fermento: Verum de his, infra nobis erit loquendum. §. Cicero dolorem motum asperum in corpore, alienum à sensibus, appellavit, qui rem acrem & solutricem agnoscit. Hinc morbus insoluta unitate, cujus subjectum adæquatum est membrana narium, quod probatur: quia à materia acri & erodente eroduntur, à sanguine abundanti aperiuntur, ab ictu violento aliquando leviori vasa sanguiflua in nares desinentia rumpuntur: à qua ruptione, erosione, apertione, *ῥινῶν ἀμωρράγια*, sanguinis è naribus profluvium, sæpius oritur. In Ozæna sive ulcere narium putrido, est exulceratio externa, sæpius interna, plerumque maligna, à materia acri & corrosiva virulenta. In Coryza irritatur, vellicatur membrana narium, dislocantur fibræ, unde sternutatio. Ergo membrana narium, ut pars similis ita dicta, est verum & adæquatum morborum insoluta unitate subjectum. §. Objicitur ex Argenterio, Morbus est dispositio præter naturam, morbus in soluta unitate non est dispositio, quia continuitatis privatio: Ergo non habet morbi rationem. Ergo membrana narium non hujus morbi subjectum. Potro, solutio continuitatis est unitatis privatio. Ergo non habet unitatem positivam, in qua stet ratio morbi promateriali. §. Respondetur: Morbum esse *διάθεσιν* sive dispositionem contra naturam, à qua primum & per se vitiatur actio, autore Galeno, certum est. Sed, uti Habitus sumitur late atq; strictè, ita quoque Dispositio. Hæc in communi, secundum *Philosophum Categor. c. 8. ποιότης* seu qualitas est, non per quam potentes dicimur, à natura, vel agere vel pati quippiam, vel esse tales, vel tales, sed per quam tales & tales sumus. Quæ *ἐπὶ πλέον λέγεται*, i. e. in plus dicitur, quam habitus, & hunc sub se *περιέχει* seu continet, & *καθόλου μᾶλλον, πᾶσα γὰρ ἔστι διάθεσις, ἔδὲ πᾶσα διάθεσις ἔστι*: Dispositio est magis universalis: omnis enim habitus est dispositio, sed non omnis dispositio est habitus, intellige dispositionem in specie sic dictam. Illius in communi sumptæ, species aut quasi species sunt duæ, habitus & dispositio specialiter sic dicta. Nam dispositio est vel habitualis, vel non habitualis, vel non facile vel facile mobilis: illa *ἔστι*, hæc *διάθεσις* dicitur. De Habitu sic scribit *Doctiss. Ebelius l. 1 Compend. Log. Plen.*

43.

44.

45.



- p. m. 26: Habitus est qualitas ut plurimum acquisita & permanens, vel stabilis in subiecto, illudque ad bene vel male hoc vel illo modo agendum, disponens. Unde rectissime Fr. Ioel quondam in *Academia Gryphis Waldensi Professor Celeberrimus* l. 3. Oper. Med. sect. 2. p. m. 66. scripsit: *ῥαβδὸς Galeno* significat idem quod *ἔξις*, i. e. dispositio sive affectus corporis, aut partium ejus, habitualis, stabilis, & perseverans, hinc bona corporis *ῥαβδὸς* sanitas, mala vero morbus dicitur. §. Præterea respondetur; Equidem privatio non est positivum quid, ut cum *Bechmanno* l. 1. *Inst. Log.* c. 11. loquamur, in se suaque ratione formali, quia est nihil aliud, quam habitus absentia, ejusque negatio, quomodo autem negatio positivi possit esse positivum non apparet. Est tamen solutio continuitatis, morbus pro materiali, ex qua sequitur morbus pro formali. vide
46. *Scharfium* l. 1. *Metaph.* c. 2. *Plempium de Fund. Med.* l. 4. c. 2. §. Secundo objici potest, Coryza non est morbus, sed symptoma morbi: nam sicuti fluminis fluxus vel descensus, flumen non est, sed actus fluentis tantum fluminis, sic nec humoris lapsus, stillatio vel fluxio, erit morbus; non enim est stillatio, quæ partium affectarum munus vitiat; Ergo membrana narium non est adæquatum morbi in soluta unitate subiectum. Ergo sternutatio non est morbus solutæ unitatis. Verum, potest tamen humor hic fluens, alterius morbi esse causa, ut inflammationis, irritationis, velli- cationis membranæ narium, à quibus sternutatio. Sed nos hanc, de nominum propria vel impropria significatione, in Arte Medi- ca, disputationem, modo res ipsa intelligatur, Logicis, Rhetoribus
47. atque Oratoribus relinquimus. §. Hæc de Subiecto, Objecto & Natura quæ est conservatrix sui, expellitque noxia, quamvis *ἀπαίδευτο ὃ καὶ μαθήσει*, non edocta, & nullo usa magistro: *Hipp.* 6. *Epid. Sect.* 5. l. de *Alim. Sect.* 9. in genere dicta sunt. §. Sequitur terminus à quo, ad quem, & per quas vias. *Hippocrates* quia caput cavum & rotundum *lib. de Glandul.* r. 5. & corpori instar cucurbitæ incumbat l. 4. de *Morb.* r. 5. pituitæ fontem l. c. r. 2. sedemq; frigidi ac glutinosi l. de *Princip. aut Carn.* r. 4. appellavit. Caput enim humiditatem ex reliquo corpore complectitur, & corpus simul vapores omnis generis sursum in caput (ita Versio Lindani) demittit, quos caput rursus dimittit, h. e. fluxio in glandulas ver- git:



git; *l. de Gland. t. 5.* Sed & pituitam viscosam ex nutrimento pituitoso, ubi ad ventriculum pervenit partim corpus, partim vero caput ad se trahit, (quia τὸ φλέγμα γλίχρον,) ita, ut alia per aliam sequatur ad istud, *l. 4. de Morb. t. 6.* Convertuntur ergo superfluitates nutrimenti, & componuntur vapores, sicut convertitur in alembico illud, quod ascendit ad ipsum excucurbita, quare assidui sunt in ipso fluxus, *Avicenna l. 3. Fenest. 5. tr. 1. c. 11.* §. Quare fluxus? quia non retinet nisi caput ægrotat, *l. de Gland. l. c.* Ergo in catarrho non ægrotat vel dolet caput? Respondetur: Pituita redundans, si in capite maneat, *l. 4. de Morb. t. 7.* ac lenta fuerit fluxio, *l. de Gland. de Morb. t. 6.* multum dolorem, quum in venis est, capiti exhibet, si vero modicum hoc non facit, *l. 4. t. c.* Dices, hæc non fuit Hippocratis mens, neque probant, Cerebrum esse pituitæ fontem, quia *Liber de Glandulis est ab Hippocratis doctrina plane alienus*, spurius, sub nomine ejus publicatus. *Liber de Morbis & Carnibus* nec editus, neque conscriptus ab ipso, sed à discipulis ex ejus dogmatibus & aliis adulterinis conflatus. *Avicenna*, quid per superfluitates intellexerit, non intelligitur. Præterea acute *Hippocrates l. de Gland. & Morb.* (si ab eo editi) κεφαλὴν non ἐγκέφαλον dixit. *Aph. 10. Sect. 6.* κεφαλὴν πονέοντι καὶ περιδυνέοντι; caput dolenti & circumdolenti, pus, aut aqua, aut sanguis fluens per nares, aut os, aut aures, solvit morbum. Insuper ἐν τῇσι φλεψὶν ἰόν, quum in venis est, *l. 4. de Morb. t. 7.* §. Sed, *Aph. 2. Sect. 6.* Quibus nares natura humidiores, & genitura humidior, morbosius sani sunt: quibus vero vice versa, salubrius. *Doctissimus Hollerius* ad hunc locum: In sano humiditas narium indicat cerebrum & universum corpus abundare humoribus excrementitiis. *Liebauii Scholium*: nares humidæ, cerebrum humidum arguunt. *Aph. 51. Sect. 7.* Sternutatio fit ex capite, διαθερμαινόμενα τὸ ἐγκέφαλον percalescente cerebro, aut vacuo quod est in capite perhumefcente: aër enim qui intus, foras erumpit: Strepitum vero edit, quia transitus est ipsi per angustum. Et seposita ista librorum *Hippocratis* distinctione *Libr. de Morb. Sacr. t. 7.* Si purgatio non contingit, sed τὸ ἐγκέφαλον in cerebro spissatur accogitur, sic necesse est fœtus pituitosos esse. §. Deinde, si per venas vasa sanguiflua præcise capitis intelligis, ita ut excludas cerebrum, oppono tibi locum ab interpretibus in eadem

50.

51.

52.

53.



- eadem classe positum, nempe *t. 2. Coaca Pranot*: Quibus capitibus sunt dolores, & sonitus aurium citra febrem, & vertigo, & vocis tarditas, & manuum torpor, eos aut syderatos, aut comitiales, aut obliuiosos fore expecta. §. *Avicenna L. 2. tract. 2. c. 18.* inquit: Sternutatio facta ex auricula muris mundificat cerebrum. *L. c. c. 5.* Aristolochia rotunda quando administratur cum pipere, mundificat superfluitates cerebri, *L. c. cap. 486.* per superfluitates intellexit humiditatem crassam in capite, quam extrahit succus memorem. (chelidoniæ radicis.) Ita & anemone si masticatur: *L. c. c. 662.* Etiam per vapores istos grassos mundificatur cerebrum, qui ab ipso resoluti per commissuras cranii egrediuntur: *L. 1. Fenest. 1. doct. 5. c. 2.* §. *Galenus* aliquando planius: *l. de Instr. Odor. c. 2:*
54. Quæ vaporum similia sunt, in sublime lata, per calvariæ futuras excernuntur, quæ vero crassa sunt, ut mucus, prona feruntur, primumque per crassam membranam, deinde per ossa colo similia trajecta, tandem in ipsas nares incidunt. Sed tamen, dum hæc ita defluunt, pars eorum in os per ea foramina, quæ à naribus in ipsum transire diximus, interdum delabuntur. *Galenus* sequuntur plerique omnes, & ipsius rei est probabilitas: nam in sicco cranio illa foramina valde conspicua sunt, ideo *Hipp. l. de Sacro Morb. t. 8:* Homo per os & nares spiritum accipit: primum quidem ad cerebrum venit, deinde vero in ventriculum magna ex parte, pars etiam ad pulmonem, & pars ad venas &c. Qui vero ad venas pervenit aer, *εὐμβάλλεται ἐς τὰς κοιλίας εἰσὼν καὶ ἐς τὸν ἐγκέφαλον*: Versio Lindani, confert ad ventriculos ingressus & ad cerebrum. Atque
56. sic sapientiam & motum membrorum exhibet. Fortasse contra fas & jus, hæc & ejusmodi alia scrupulosius expendere, sed credere decet. Est adsertio *Hippocrati, Galeni, Avicennæ* & aliorum, qui sunt Antistites Medicæ disciplinæ. Ultra igitur quæri non oportet. Sed, credulitas, in nostro foro, nullum habet locum: apud Medicos sola veri dignitas valet, non autoritas dicentis. Hi non credunt, nisi ea, quæ oculi, mentisque acies, assequitur, unde commode *Poeta.* Ipsa novas artes varia experientia rerum, Et labor ostendit miseris usumq; magister. Alius, Longa dies acuit mortalia corda. Alius, Crescit vita hominis, & longo proficit usu. §. Verum enimvero ἡ πείρα σφαλερὴ καὶ ἡ κρίσις χαλεπὴ experimentum periculosum, judicium difficile:
- 57.



*Aph. 1. Sect. 1.* Magna est authoritas *Hippocrati*, ut supra diximus.  
 §. Textus, qui ansam dedit, est hic & iste: ὁ δὲ ἐγκέφαλος ἐστὶ με-  
 τροπολις τῆ ψυχῆ καὶ τῆ κοιλώδεος: Versio Lindani: Cæterum ce-  
 rebrum sedes & metropolis est frigidi ac glutinosi: *l. de Princip. aut*  
*Carn. 1. 4.* Alter, τὸ δὲ φλέγμα πρὶν κεφαλὴ πηγὴ ἐστὶ: Pituitæ vero  
 fons est caput: *l. 4. de Morb. 1. 2.* §. Quomodo fons? respondet  
 cum *Laurentio l. 10. Quest. Anat. 12.* maxima Medicorum turba:  
 Cerebrum substantia medullosum, nativo temperamento frigi-  
 dum & humidum, cum pituitoso alatur sanguine, maximam insita  
 vi & natura propria ex alimenti superfluis excrementorum copiam  
 congerit, excrementa hæc cerebri, si *Hippocrati & Galeno* credimus,  
 duorum sunt omnino generum, alia sunt tenuia, alia crassa: illa  
 vaporis & fuliginis instar, per ductus fere insensiles expirant sur-  
 sum: hæc per patentes & conspicuos meatus deorsum expurgantur.  
 §. Status controversiæ est hic. An pituita quæ per nares excerni-  
 tur, sit proprium Cerebri excrementum? sive, an pituita quæ post-  
 modum excernitur ab alimenti coctione in cerebro generationem  
 suam habuerit: Ita quidem, ut quemadmodum aquea excrementa  
 ex reliquiis pituitosi & crudioris sanguinis, biliosa vero, & me-  
 lancholica ex terrena alimenti portione caloris vi tandem assata  
 generentur, propterea amarescant; ut *Ibidem* loquitur *Laurentius*:  
 Annon? §. Hoc posterius affirmatur & probatur ex *l. 4. de Morb.*  
*1. 2.* qui explicatur *1. 3.* & hujus explicationem vide in *1. 14. & 13.*  
 his adjungit *1. 10.* Ex quibus omnibus colligimus 1. Quod caput  
 dicatur fons, quia pituitam per venas ad se trahit, & rursus humo-  
 rem corpori distribuit. 2. Quod caput aliquando ægrotet à san-  
 guine in venis quantitate peccante, aliquando vero ab aliis humo-  
 ribus sanguini admixtis. 3. Quod sanguis ad caput ex corde, per  
 venas jugulares (in textu φλέβες αἱ σφαγίαι) delegatus naturaliter  
 præter sanguinem strictè sic dictum etiam de bile, pituita, aqua,  
 participet. Et quod hoc ægrotet, si horum humorum plurimum  
 præter naturam venis capitis insit. His ita expositis & *iste Hippo-*  
*cratus locus l. 4. de Morb. 1. 6.* aliàs satis obscurus intelligitur: qui,  
 per quæ vasa pituita ex capite extrudatur, simul ostendit. Ne  
 vero in explicando hujus, mentem *Hippocratis* commutes, adde  
*1. 16. 11.* ejusdem Libri Quarti. Secundo, *Hippocrates* non dixit pi-  
 tuitam

58.

59.

60.

61.



tuitam fieri in cerebro, neque appellavit istud officinam, in qua generetur pituita, quæ antea non erat, sed Metropolin, Fontem; ita dum Cor sanguinis fontem appellat, ex ipso tanquam ex fonte saliente sanguinem in universas corporis partes protrudi insinuat: Probat: Unum autem est horum omnium iudicium, hoc scilicet, quæ tandem causa sit morborum, & quod principium ac quasi fons sit, ex quo corporis mala omnia scaturiant, Hippocrates

62. *l. de Flatibus* t. 2. §. Dices, cor est sanguinis officina; Respondetur, sed non author! Regeris ex *Aristotelis* *l. 3. de Hist. Animal.* c. 19: Sanguis *γιντα*, oritur primum in corde antequam totum corpus formetur? Respondetur: Cor sanguinis fons est, ut pituita Caput, ut aqua siue melancholia Lien. Porro quomodo fons sanguinis, Respondet *Plato in Timæo*: Cor venarum origo & fons sanguinis per omne corpus impetu quodam manantis in stipatorum regione suspendere voluerunt: ut &c. Quomodo fons venarum? respondet Hippocrates *de Alim.* t. 7: radicatio venarum Hepar *Πίζων* radicatio arteriarum Cor, ex his aberrant in omnia sanguis & spiritus, & calor per hæc meat. §. Tertio *ἡ πύξ* fons dicitur, quia *πύξ* ἐν γῆς aqua è terra salit, fons salientis aqua: *Lexicon Schrevelii*. Fons, aqua ex certo terræ loco scaturiens & profluens: *Varen. Geograph. Gen.* l. 2. c. 16. *Propos.* 1. & *Scaliger exercit.* 100. c. 2: Si Alpheus labitur subter maris fundum: fluvius est Arethusa. Si emergit, fons est. Nullus idem fons ibidem fit, ubi erumpit; sed aut aquarum collectione in terræ sinu, aut subterraneis delatus meatibus fluvius est ante, quam emergat. Item *πύξ* scatebra dici solet, est vero scatebra ebullitio aqua surgentis *Virgilius* *l. 1. Georg.* v. 110: Scatebrisque arentia temperatarva: vide notas varior. §. Dices hinc quia ebullitio, pituita excrementitia generatio: Et, si pituita multa & acris *πύξ* *δεμύς*, de capite in glandulas colli influxerit, manseritque acris, & glutinosa, inflammatur ac intumescit, & collum distenditur: *l. de Gland.* t. 5. Nam ut primum descendit, statim pessimum colli morbum generavit: Ergo pituita excrementitia fuit generata in cerebro. §. Respondetur, nulla est consequentia, hic humor peccans jam inflammat, ergo ante inflammationem non fuit; fuit: sed inflammare non potuit, quia
63. non mansit, & ipsæ partes erant validæ ac potentes. §. Dices, fuit
- 64.
- 65.
- 66.



fuit equidem ante inflammationem partis, sed nequaquam ante illius in cerebro generationem, hac tamen distinctione, ut sit acrior circa inflammationem, quam generationem in cerebro, quia circa generationem puris, dolores & febres magis contingunt, quam facto jam ipso, *Aph. 47. Sect. 2.* Respondetur, non acrior in inflammatione, hoc quidem loco, quia *Hippocrates* dixit: Si multa & acris influxerit, manseritque acris, & glutinosa, inflammatur ac intumescit &c. *Μένει* maneat, à *μῆνω*, quasi *μὴ* & *νέω*, nuto, quod manet, locum ita servat, ut nec mutet; nec nutet: *Lexicon Schrevelii*. *Μένει* eis ἡμᾶς manet vel durat (imago) usque ad nostra tempora: *Herodianus* l. 2. c. 9. §. 8. & l. 6. c. 5. §. 6. εἰ γὰρ δὴ μισθοφόρος &c. εἰ δὲ σελήμηδα ἔχον σὺν ἑσῶτα καὶ μένοντα: Mihi, inquit **ILLUSTRIS BOECLERUS** in *Annor. in l. 3.* Herod: nihil aliud videtur dicere, quam, non habere Parthos exercitum ordinarium, qui semper in armis sit, & ad subita bellorum excubet, sicut in Romano imperio instituerat Augustus. **EXCELLENTISSIMUS SCHEIDIUS** in *Promptuario Herodiani*, μένοντα καὶ σὺν ἑσῶτα (castra) manentia & constituta militum perpetuorum: opp. quæ modo congregantur; modo iterum dimittuntur. §. Hæc, ut optime dicta agnosco, ita, cum in Horum Duorum Virorum mentionem incidi, approbare etiam cogor illud *Horatianum* l. 4. *Carm. Od. 4.*

*Fortes creantur fortibus, & bonis:  
Est in juvenis, est in equis patrum  
Virtus: nec imbellem feroces  
Progenerant aquila columbam,  
Doctrina sed vim promoyet insitam,  
Rectique cultus pectora roborant.*

Nimirum, *Uterque* reliquit effigiem virtutis, sermonis, doctrinæ suæ **Filium**. En vobis Quirites, inquit **P. Licinius Calvus**, Consul, Pater, Juvenem filium tenens effigiem, atque imaginem ejus, quem Vos antea tribunum militum ex plebe primum fecistis, hunc ego institutum disciplina mea, vicarium pro me Reipublicæ do dicoque. Datum id petenti patri, filiusque ejus **P. Licinius** consulari potestate declaratus: *Livius* l. 5. c. 18. Horum effigies, non ut *Neronis* in *Gymnasio* ad informe æs liquefacta: *Tacitus Annal.* 15. c. 22. §. 2. Sed mansit imago usque ad nostra tempora. Et ut



qui erat ex Patricia gente Claudia, qui erat egregia atque præstanti fortitudine. Nero appellabatur, h. e. fortis, strenuus, virtuosus: ita in Posteris, in quos Præfata Cognomina descendunt, effigies non commaculabitur. Et durabit in *Iſſu*, quamdiu exercitia nostra Academica, firma, stabilia, fundata permanebunt. Faxit Deus, ut sint *μάνωτα* & *ἀνεσώτα*, manentia, constituta, perpetua: Apud me, Vestra, Viri Incomparabiles, semper vigeat, florebit, crescat memoria:

- - Nec me meminisse pigebit

*Dum memor ipse mei, dum spiritus hos reget artus:*

Hoc est, quamdiu vincula meorum membrorum & firmamenta erunt *ῥαῦγε*, robusta: & quando

- - Fessos quatit ager anhelitus artus,

68.

tamen honores, laudesque Vestrae, apud me, imo etiam apud posteriores perrennabunt. §. Dices Hippocratem non dixisse *ἵπποκράτης*, influxerit, sed *ἵπποκρῆς*, si influat, & *μᾶν*, si maneat. Respondetur: optime Lindanus Summus Vir & Græcarum literarum *ῥυνός* peritissimus, si influxerit, si manserit, interpretatus est Hippocratem; quia inflammationis causa est sanguis in parte laesa stagnans, stagnationis influxus vehementior, refluxus impeditior: probatur: Sanguis ipse, natura calidus existens, vi coactus, per angustam viam transire celerrime non potest, quum multa impedimento sint obstacula, & oppilationes, quapropter etiam pulsus fiunt circa tempora: *l. de Flat. t. 13.* Et, ut scias, quid Hippocrates intellexerit per *τὸν* vi coactus, ita explico: Vis cogens fervor est, fervoris est, mentiri plethoram, & hanc supra modum urgere, motumque accelerare, & præ festinatione proficere minus: Quapropter pergit Hippocrates *l. c.* febres fiunt, & cum febribus dolores, ac alia quædam ægitudines.

69.

§. Dices, licet non sit generata in cerebro, tamen sequestrata in ipso, confirmatur hoc Aphorismo de *Vet. Med. t. 24. & 25:* Inest in homine & amarum, & salsum, & dulce, & acidum, & acerbum, & fluidum, & *ἄλλα μυσία*, & alia infinita, hæc mixta ac inter se temperata, neque conspicua sunt, neque hominem lædunt. Ubi vero quid horum secretum fuerit, atque ipsum in se ipso fuerit, tunc & conspicuum est, & hominem lædit. Respondetur: Pituita cum est acris *δαμνὴς*, carnem penetrat, exulcerat, ac perfringit

venas,



venas, ex quibus sanguis effusus in alienos sibi locos, ubi moram  
 traxerit, putrescit, ac in pus convertitur: Hipp. l. de Flat. t. 17.  
 §. Jam Tibi viæ, per quas humor excernendus, & cum quibus  
 sit mistus, innotescant. Ne vero ullus tibi supersit scrupulus, audi  
 Hippocratem nostrum ita differentem l. c. t. 15. & 16: Tenuissimum  
 autem ipsius sanguinis per venas excluditur, atque id ipsum te-  
 nuissimum liquidum, quum coacervatur, per alios meatus fluit:  
 & ubi tandem cumulatim progrediens constiterit, ibi constituitur  
 & morbus. Si itaque ad oculos pervenerit, sequitur eorum dolor.  
 Si ad aures, morbus & illas occupat. Si ad nares, gravedinem ge-  
 nerat: Si ad pectus, raucedinem. Pituita enim ipsa acribus hu-  
 moribus permixta, quocunque proruperit, maxime in non con-  
 suetos locos, eos exulcerat. §. Non ex cerebri ventriculis per fo-  
 ramina ossis cribriformis, quod affirmavit Galenus, & quem plu-  
 rimi Medicorum sequuti sunt. Neque ut alii, qui cum nullum  
 iter ad hæc foramina ex cerebri ventriculis patere intelligerent,  
 eum duntaxat humorem, qui supra meninges, & supra corticem,  
 & supra corpus callosum nonnunquam colligitur, de hisce fora-  
 minibus in nares destillare posse crediderunt. Quia os cribrifor-  
 me non habet foramina, nisi, per quæ fibrillæ processuum mamil-  
 larium & sulculi duræ meningis & fibræ secundi ramuli, rami se-  
 cundi, crassioris ac interioris propaginis; quæ propago sulculus est  
 rami majoris anterioris nervorū quintæ conjugationis, sive tertiæ,  
 secundū Antiquos, transeunt & arteriolæ & venulæ nervos olfacto-  
 rios cōcomitantes, & una cum ipsis in papillosa carne ossis ethmoi-  
 dis parti cribri adinstar perforatæ subjecta desinentes. Quæ omnia  
 in foraminibus ossis solidi cedere nesciunt, ita ut hæc via, humori  
 vitioso dimanaturo, invia sit omnino. §. Ingeniosissimus Willis  
 cap. 12. Cereb: Anat. Cum neque à glandula pituitaria per os cunei-  
 forme, nec à processibus mamillaribus, per foramina ossis cribri-  
 formis, apertura quævis manifesta percipiatur, ad loca, quæ viden-  
 tur impervia, confugit, quod in viventibus, humorum translatio-  
 nes per ejusmodi loca facile perficiuntur, dum pori & meatus par-  
 tium à spiritu & calore dilatantur, isti velut per raram panni lanei  
 texturam seri depluvium transmittunt. Quid ni pariter humo-  
 res serosos & ventriculis cerebri in glandulam pituitariam ac ma-

70.

71.

72.



73.

millares processus decumbentes, per membranas aut nervos, hic aut illic pertranseuntes, amandari supponamus. §. Optime hic *Vir Doctissimus*, cavitates harum partium manifestas, prout Antiquitas credidit, negavit, affirmavitque viventibus sæpe pervia esse, quæ de mortuis pertinaciter occlusa sunt. Ibi enim vigente calore & vita, quod *Hippocrates* scite dixit l. de Alim. t. 4. *ἑνὴν μίαν, ἐνυπνοῦσαν μίαν, ἐνυπνοῦσαν μίαν* : Confluxio una, Conspiratio una, consentientia omnia : sive consensus unus omnium & confluentia mirabilis : Ita quoque *Galenus* l. 1. de Vsu Part. & l. 2. de Caus. Puls. Male vero, nostro saltem iudicio, per os cuneiforme, & processus mamillares, ut per bina emunctoria cerebrum aliquatenus expurgari statuit : quia origo horum nervorum pluribus fibrillis medullaribus hinc inde in cerebri partibus sparsis constat, mox coalescunt &c. vid. *Cl. Vieussens* l. 3. c. 2. *Nevrograph.* & l. 1. c. 16 : quo loco concludit : Quæ cum ita sint, eos toto cælo errare asserimus, qui catarrhorum materiam è cerebro derivari volunt, illam enim glandulosam à partibus capiti adjacentibus suppeditari certum, ac indubitatum est. §. Et hoc posterius concessit quoque *Willis* l. 6.

74.

Sed hoc non solum, quia humiditates quasdam etiam à cerebro innarium cavitates per fibras ossis colatorii foraminibus impactas depulvere, madefacere, & continuo humectare dixit. Neque hoc ut *Vieussens*, scribit enim *Hic* l. 6 : productionum membranæ pituitariæ usus est, ut sanguinis ad cerebrum ascendentis, aquosam, tenuem, minusque lentam partem excipiant, eamque in sinuum, quorum interiora obducunt, cavitates exonerent, ubi condensari, ac lentorem quendam acquirere solet, adeo ut in mucum abeat, si aliquandiu in iis retineatur &c. §. His annectimus ea, quæ in limine

75.

c. 12. *Cerebr. Anat.* dicuntur : quandoquidem experientia testatur, serum & humores excrementitios, jure dicam morbificos, & non raro lethales, sæpenumero intra hos cerebri ventriculos reperiri : & quod *cap. 1. de Nerv. Descript. & Vsu* : Nervis olfactoriis manifestam cavitatem attribuerit, adeo ut humiditas intra cerebri plicas scatens, per hos nervorum canales in processus mamillares feratur, hujus lymphæ intra hos nervorum ductus contentæ usus est, odorum species demulcere, easq; sensorio quadantenus præparare &c. Verum etiam, si quando serosa colluvies in cerebri ventriculis con-

geri-



geritur, non raro superfluitatē ejus sive humorem excrementitium  
 fibrarum ductu in cribrosum trajicere, & foras amandari. Probat  
 observatione l. c. c. 12. à virgine quadam desumpta, quæ cephalæ  
 immani diu affligebatur, atque è cujus naribus inter medios cru-  
 ciatus, multum feri, flavi & tenuis quotidie effluebat. Resp.  
 Uti hæc observatio nihil, ita non probat in hac virgine post mor-  
 tem latex ejusmodi flavus cerebri anfractus profundiores, qui ejus  
 cavitatem interiorē seu ventriculos inundabat: Ergo cerebri  
 ventriculos esse meram humoris excrementitii cloacam; quodque  
 humores illic congesti, superflui per fibrillas processuum mamilla-  
 rium in nares expurgentur. Egregie *Vieussens l. c. c. 16.* scripsit,  
 quem vide. Adde insuper ex c. 21. l. c. *Willisii*, ubi processus mamil-  
 lares ipsorumque radices medullares cum ejusmodi fibris & fila-  
 mentis veros nervos appellat, & qui sensui tantum conducunt Si  
 vero nervi, respondetur, quomodo superfluitas humoris excre-  
 mentitii ex ventriculis cerebri, perpetim, per inaspectabiles fibril-  
 larum poros, vide *Vieussens l. 3. c. 1.* exstillare in nasum possit, dif-  
 ficile est concipere, & ita quidem exstillare, ut non contamine-  
 t, impediatur species sensibiles ascendentes per easdem vias in cere-  
 brum, simul continuata spirituum animalium, secundum naturam  
 velut undulatione à cerebro in fibrillas processuum mamillarum,  
 secundum ipsius hypothesin. Secundo, quomodo humor acris,  
 qui tantorum cruciatuum causa fuit, per nervulos sensui tantum  
 dicatos, ut non lædat hos, transire potest. Acris est materia coryzæ,  
 ita ut etiam corrodat narium pinnas, est ne possibile, ut fibrillas  
 non lædat nervosas. Natura quæ est conservatrix sui & provida  
 mater, serum quantitate qualitateve peccans, cum sanguine mix-  
 tum, amandat, ablegat ad commune emissarium, quod est mem-  
 brana pituitaria, ubi postquam extrusum est, & sui juris factum ut  
 in corzya, corrodit narium pinnas. §. Hic humor corrodens non  
 exstillat ex fibrillis processuum mamillarum, sed ex vasis sangui-  
 fluis, quod porro confirmatur his: *Hippocrates l. c. nempe de Flatib.*  
*c. 15. & 16.* dixit: Ubiliquidū tandem cumulatim progrediens con-  
 stiterit, ibi constituitur & morbus: Si itaque ad oculos pervenerit,  
 sequitur eorum dolor. Ergo ubi dolor ibi morbus. In coryza, circa  
 latera, in inferiore parte nasi, versus oculos, ætus, & pulsus arteria-



- rum sentitur: Ergo & ibi morbus. Non sentitur hic dolor supranasum, supra os Ethmoides, circa supercilia, ubi nervi olfactorii istud transeunt, sed maximus circa nares, ut dictum, ex quibus saepius adventante coryza sanguis effluit, & emunctio prima cruenta. In brutis coryza laborantibus, post apertionem, docuit experientia, quod illa sum fuerit os cribriforme, naturaliter se habebat processus mamillares: mundi erant & sui coloris, fibris erant repleta foramina ossis cribriformis, fibras de dura meninge tractas receptabant foramina illa tam minuta, quid multa? nullum vestigium ullius vitii intra cerebrum deprehendi poterat, os spongiosum quoque erat illa sum, at membrana interior narium aliquo modo erat vitata, nimia illo muco maxime perfundebarur, eoque sinus inibi obvii vehementer scatebant. §. Concludimus, ergo pituita five humor serosus, salsus, qui est naribus in statu naturali & salvo manente subjecto excernitur, non manavit per priores cerebri ventriculos, sinus, glandulam pituitariam, processus mamillares, & tandem fibrillas in nares, sed per vascula sanguinis est capite cum sanguine, hoc est, non per ascendentia sola, sed & per descendencia, per ista tamen ut videtur magis. §. Nec excludimus meatum est tympano, quem observavit Diemerbroeck, qui narium cavitatem amplo & cartilaginoso sine, mucosa narium tunica, tanquam janitore obducto, ingreditur, per quem humor, quo aurium cavernae maduerunt eodem defertur. Nec eum ductum, per quem ab oculis in nares derivatur humor: vide Stenonis Observat. Anat. de Gland. Ocul. p. 91. de Narium Vas. 103. Nec vascula breviora, longiora vero in homine nondum vidit Steno l. c. §. Sed & iste Hippocratis locus errandi apud multos causa fuit, quod dixerit ἀναπέμπει τὸ σῶμα ἀτμῆς εἰς τὴν κεφαλὴν παντός ἄνω: Versio corpus vapores omnis generis sursum in caput demittit: l. de Gland. t. 5. Dixerunt nempe vapores & halitus, partim quia totum corpus porosum, partim ob levitatem, quam habent, libere, ex stomacho per oesophagum, palatum, & alias, nescio quas vias, in cerebrum ascendere, post ascensum à frigiditate densari, post densationem resolvi in guttas, quae maximam partem catarrhorum constituunt. Sicut enim est vaporibus suscitatis, ac non densatis, in ollae operculo, & in laquearibus balneorum sit aqua stillans, simili modo in cerebro contin-
- gere



gere posse censendum esse. Obnubilatione vaporum è stomacho ad cerebrum ascendentium fit somnus post prandium, à vino, præsertim tenui, satis superque probat experientia, vide *Horatii l. 1. Epist. 91. & Minellii notas*. Quomodo vero, *Hipp. l. 2. de Diata t. 22. l. de Affect. t. 35.* docuit. §. Respondetur, quod communicentur cerebro illæ *αἰσθητικαὶ*, licet non omnes, substantialiter, positive, per arterias præcipue Carotides, (vide *t. 17. de Flat.*) & non *αἰσθητικαὶ* ut arbitratur vulgus per insensiles meatus in cerebrum. Neque ob solam levitatem sursum, verum etiam quia totum corpus tam foras quàm intus perspirabile est, per alias à centro versus circumferentiam vias, feruntur, atque sic maximam catarrhorum partem constituere nequeunt. Deinde frigus, si nude accipias non condensat vapores, equidem alembico applicantur panni aqua frigida madefacti, ut melius concreascet vapor: nostra assertio probatur, quia *Hippocrates* ait *l. de Aeribus Aq. Loc. t. 19*: Quamdiu aqua pluvialis dispersa fuerit, & nondum congregata fertur sublimis. Ubi vero coacervata fuerit, ac simul congregata repente à ventis inter se adversariis: tunc deorsum prorumpit, qua parte plurima collecta fuerit: ita quoque *Cartesius*, ut notat *Bechmannus, in syst. phys. p. 344.* §. Hanc, alia excipit difficultas: *Galenus l. 8. de usu Part. c. 6. ut & l. 9. c. 3.* ut notat *Diemerbræck l. 9. Anat. c. 7.* (cum quo consentiunt plerique Anatomici) cribriformium & spongiosorum ossium usum esse scribit, partim ut pituitosa excrementa è cerebro per ea evacuentur: partim ut per eadem quoque vapores olfaciendi intro ad processus papillares ferantur, & præterea etiam aëris frigidi, nec non cujuslibet maligni odoris nimis repentinus in cerebrum impetus aliquantum tardetur, in eaque mora aër nonnihil tepesciat, & odor alteretur ac benignior reddatur. Imo quidam, quia ab odore gravi tracto dolet caput, ergo is per foramina ossis cribriformis in cerebrum penetravit, argumentati sunt. Alii observationibus rem probarre laborarunt: Vir nobilis tabacum in pulverem redactum, naribus omni momento attrahere solitus est, & post mortem ejus regio narium humore ei non absimili, qui stropholis apparet, cum insufflato tabacco emunguntur nares, madebat, dissecto vero cranio, pars anterior duræ meningis, non inquinata parte posteriore, eodem colore

81.

82.



83.

lore flavescente erat suffusa. Quidam nullum remedium majus censent pro expurganda pituita ex capite, quam fumum tabaci, qui per nares & os cribriforme in cerebrum transit. §. Verum modice ut id fiat, aliàs vide *Virg. l. 8. Æneid. p. 252.* Quia vero ad hæc jam respondit *Diemerbræck l. 3. c. 19. Schneiderus lib. de Catarrh. Specialiſſ. p. 213. Ettmullerus Dissert. de Abstr. Resp. Neg. c. 8. §. 2.* (quavis pro affirmativa quæstione citet magnos multosque Viros doctos, nempe *Galenum, Erasistratum, Vesalium, Sennertum, Laurentium, Columbum, Plempium, Fracassatum*, aliosque complures.) *Billinus l. de urin. & Puls. p. 234.* nostra responsione opus huius est. Nobis inserviunt ea quæ in *Exercit. Anat. Med. de Gland. Intest. Cl. Peyeri p. 59.* habentur. Interim os cribriforme, os spongiosum, cum annexis partibus, nimio usu pulveris sternutatorii, aut ulcere luis venereæ, aut alio modo posse vitari ita, ut naribus injectus pulvis in caput penetret, haud negamus, integris vero illis ossibus, illæsis partibus, naturaliter, nequaquam. Superest, quod objicitur, aliud; Spiritus in officinis, hoc est, liquores spirituos, tenues, limpidi, ab impuritatibus magis sequestrati, evanescent, etiamsi plures vasis super impositæ atque agglutinatæ sint pelles. Si igitur pelles ejusmodi, quæ insuper siccæ sunt, hoc est pororum ac partium minus distractilium, non possunt cohibere motum, atque vaporationem spirituum, quanto facilius iidem spiritus sive partes aqueæ subtiliores aquæ Regiæ Ungariæ, ut exemplo demonstramus, superabunt altitudinem tenuissimæ pelliculæ, minutissimas fibras narium, quæ insuper molles sunt, & quia totum corpus porosum, porosa. §. *Iohann Huskias Cardilucius* in seinem neuvermehrten Chymischen Handleiter p. 406. schreibt. Es muß das Gefäß/worinn man das Wasser der Königin auf Ungerem thut/sehr wohl verwahret/und zugestopffet werden/dann es ist über die massen subtil und durchdringend. Sonderlich aber schreibt Zapata, denen auß dem Rosmarin bereiteten Hülfsmitteln/schier unzählich viel Tugenden zu und zwar nicht ohne Ulsach/denn dieses Gewächs ist mit stichtigem Salz und Schwefel/welche die vornehmste wirkende Dinge in der Natur seind/erfallet/furnemlich aber/wann derer Tugenden mit dem subtilen spiritu vini befeelet seind &c. Ad hoc distincte erit respondendū, §. Rosmarini

84.

85.

vis



vis consistit in sal vol. oleoso, unde merito capiti & utero dicatur : *Ettmuller Op. Ph. & Chym. part. 1. p. m. 162.* Vix sal aliquod adeo purum ulla arte à concreto ullo, separari potest, aut à natura productum existit, quin alias simul heterogeneous terreas scil. aut sulphureas, intermixtas foveat. Dum volatile sal vix sine oleosi connubio concipere licet : *Cl. Bohnius Dissert. Chym. Phys. 14. §. 6. Et Dissert. 10. §. 23:* Sal volatile aliquid olei sibi combinatum gerens, molem majorem nanciscitur. Hoc confirmatur *Dissert. 1. §. 4.* Hæc salia volatilia amica imprimis sunt nobis, cum tota nostri corporis machina, omnesque ejus partes, similibus referta sint, unde vix præ iis nobis magis convenientia obtineri possunt medicamina, præsertim si temperata nonnihil, & oleosa reddita fuerint, adeoque nobis promptius assimilabilia : *Ettmullerus Exercit. de Præcipitant. vero usu p. 37.* Consentit *10b. Jacob Bernerus tr. de Spir. Vini. sine Acido, p. 39.* quo loco pergit : Sal majoranifatum narium obstructionem aperit &c. eadem & aromatica contra apoplexiam commendat *Helmontius*, scil. cum volatilia sint, sanguinem egregie impellunt, *Moses Charast 2. Pharm. Reg. Chym. p. m. 157.* de sale volatili oleoso *Tilingii*, hoc sal volatile temperatum, odoris & saporis gratissimi, quod tenuitatis partium gratia admodum convenit attenuandis & discutiendis vitiosis humoribus, atque per habitum corporis excutiendis. Sunt vero temperata hæc salia ab adjuncto oleo, qualia è vegetabilium regno sunt mentha, salvia, rosmarinus, omniaque aromata, quæ constant sale volatili urinoso, ab oleo temperato : *Ettmullerus Pyrotech. Rat. l. 1. sect. 1. c. 3. Idem Exercit. Allegat ap. 33:* Omnia fluida corporis nostri de acido & alcali subpinguis temperatura participant. Verum acrimonia salium non tam per pinguis & sulphurea tollitur, quam per sales : *Sennertus de Consens. & Dissens. Chym. c. 16.* Aliàs, salia volatilia, quæ talia, omnia notabiliter existunt refrigerantia, vel spiritu Salis Amoniaci simpl: in febribus intermittentibus lentualiter hoc confirmante : *Ettmullerus l. c. p. 34.* Quomodo salia volatilia præstantissima febrium comitatarum sic dictarum sint auxilia, docet *l. c. p. 29.* Quippe salia volatilia præsertim oleosa, potissima esse, & efficacissima, diaphoretica, eoque potentiora, quo acriora & penetrantiora, quæ effective sanguinem alterando,



- & quasi dissolvendo, sudoris rivos profundi faciunt: ut supra §. 3. insinuaturn fuit, & per experientiam hactenus confirmatum: *Idem*
86. *Exercit. de Virt. Opii Diaph. c. 2. §. 11.* §. Si hoc, Resp. nequaquam aqua Reginae Ungariae cum spiritu vini elaborata, per fibrillas nervosas maxime sensiles ossis cibrosi sine summo dolore & cruciatu penetrare in cerebrum poterit. Non negamus spiritus omne fere genus impedimentorum eludere, ac sese adigendo, vel per tenuissimos quosque poros corpora imprimis membranosa superare, vel sibi viam aperiendo, inter duas quasque partes cohaerente, & inter contactum nullum spatium relinquere. Sed de his in sequentibus.
87. §. Hac aqua super manum effusa poros cuticulæ, cutis, penetrat, & nervosas partes calefaciendo roborat, juxta *Aphorism. 18. sect. 5. Hipp.* Sed quod fibras penetret sine summo dolore, in membrana narium tensa, quæ tensio facit ut membrana minus cedant, unde impetus objecti dolorem excitantis vehementior, & magis per minima nitens, & magis divellens, hinc dolor intensus punctorius in pleuritide; hoc omnem superat fidem. Confirmat hoc experientia, quoties aqua Reginae Ungariae per nares attrahitur, toties æstus, aliquando exulceratio interiorum, natura abhorret, comprimuntur glandulae, exprimuntur serositates ex oculis, naribus, quidam plane ferre non possunt. Jam si pertransiret fibras & ingrederetur cerebrum, quæso quæ mala?
88. §. Consequentiam hujus asserti non attendimus, pergimus ad alia, & probabimus aquam Reginae Ungariae non penetrare posse fibras nervosas narium per os cribriforme trajectas. 1. Quia fibrae spiritu animali repletae sunt, licet non turgidae. 2. Supponimus spiritum animale esse salinam volatilem forsan & lucidam sanguinis subtilissimam partem à cerebro per nudam separationem generatam:
89. quod statuit *Etmullerus Med. Th. Pr. Instr. p. 115.* §. Si Primum I. Spiritus animales non sunt acidi ex sanguinis parte acidior in cerebro separati secundum *Pascal. in libello, cui nomen la Nouvelle de couverte & les admirables effects des ferments dans le corps humain*, ut notat *Cl. Bohnius Circul. Anat. progymn. 19.* Quia acida & alcalia ubicunque (medio imprimis aqueo vel fluido) occurrerint, tanquam contraria in se invicem agere, sese contemperare, destruere,
- & tan-



& tandem arcta concordia unione sese in sal tertium conjungere fatagant. Magis nostram sententiam confirmat *Cl. Peyerus l. c. p. 58. 2.* Corrueret *Willisii* hypothesis de Anim. Brut. p. m. 32. Qui spiritus animales è sanguinis flamma emissos lucis radiis, saltem iis qui auræ, aerique intertextis sunt similes, dixit: quia spiritus animales donec puri, in apertis ἐκκεφάλαις ejusque appendicis spatiis feruntur, satis tranquilli degunt, verum illi intra musculos conclusi, ibidemque particulis sulphureis, à sanguine, ac interdum aliis in locis materia heterogenea perfusi, valde impetuosii, sc. elastici, ut spasmodici evadunt. Neque 3. *Mayovv.* sententia firmo staret talo, cui spiritus animales è particulis Nitro aëris constant. Particulæ vero motivæ à sanguine suppeditatæ, indolis salino sulphureæ, quæ invicem commixta effervescent, probat experimento *Oper. Med. phys. p. 315*: Si spiritui vini summe rectificato spiritus nitri, à phlegmate suo debite liberato admisceatur; æstus mox insignis ab iis, saltem leni calore commixtis excitabitur: cujus ratio esse videtur, quod particulæ nitro aëreæ, particulæque salino sulphureæ summe volatiles, quibus spiritus vini constat, mutuo se pro sua natura in motum concitent. Quem tamen insignem æstum ab hac aqua in his fibrillis & hunc necessario subsecuturum motum convulsivum permanentem isti omnino negabunt. Neque hoc solum, sed &, si liquor salino sulphureus ut spiritus vini cerebrum ipsum penetraret, haud raro convulsiones in cerebri claustris excitaret, ut ait *Idem p. 333.* §. Alias ex Praxi constat, Medicos in curatione mali hypochondriaci quam maxime esse sollicitos, ut corrigatur acidum, viscidum evacuetur, convulsiones per anodyna sedentur. Corrigunt acidum antiscorbuticis, hoc est, medicamentis de sale volatili urinoso participantibus, verum quia plerumque nimis sunt acria, ut *Nasturtium aquaticum, Cochlearia, Piperitis*, cum aliis ne noxam inferant, miscent. Commendant incidentia, aperientia, martialia, iterum non sola: *Excellentissimus Wepferus* dicere solet: *Der Stahl ist ein rechter Magenmörder.* Aquas acidulas martiales, quatenus viscerum sordes abstergunt, & obstructions reserant. §. *Francisc. de le Boe Sylvius, Prax. Med. Append. tr. 7. p. m. 773*: aciditas humoris pituitosi

91.

92.



aucta in affectione hypochondriaca corrigitur imprimis sale lixivioso, rebusque omnibus sale lixivioso præditis. Hoc sal quo minor fiat ab ipso quando miscetur cum acida pituita effervescentia temperatur cum spiritu volatili vel oleo: *l. c.* Diximus autem non semel spiritum vini esse spiritum volatilem, lixivium esse salem in combustarum rerum cineribus remanentem, & aquæ ope à terra sua liberatum: *Idem l. c. p. m. 461.* Hic spiritus cum succo ex plantis cephalicis, e. g. betonica, majorana, origano &c. expresso, mixtus, si ad guttas aliquot, ex cava manu allicitur per nares sursum, pituitam viscosam incidit, attenuat, & ad spontaneum descensum præparat, ita forma sicca parata errhina ut pulveres, pituitam glutinosam in superiori narium parte collectam, vel in cerebri ventriculis glandulæve pituitatiâ, vel alibi hærentem solvunt, & concurrente sæpius sternutatione vi expellitur per nares. Sed hoc non solum, verum etiam acidum in se spiritum concentratum habentia, qualia sunt mercurius &c. Idem faciunt salia volatilia, sed acriora, *p. m. 126.* Inter omnia autem in sensus occurrentia, tum naturalia & artificialia, nihil reperitur, quod animales spiritus, utpote volatiles, inquietos reddere possit, præter salem volatilem acriorem, cui quoties cum oleo immiscetur plus ignis, redditur acris: *Idem p. m. 468.* Sed à spiritu vini rectificato temperari solet, & mitigari omne acris, tam salinum lixivium quam acidum, atque incidi, attenuarique omne glutinosum: *Idem p. m. 79.*

§. Notandum; equidem ob affinitatem nomen alcali omnibus salibus lixiviosis seu urinosi impertitum esse, ita ut jam hæc nomina synonyma sint, quidam tamen sub urinosi non nisi volatilia, & sub lixiviosi titulo fixa saltem comprehendunt, quibus fixis non corrigitur, hoc est, attenuatur, resolvitur primò glutinositas humoris pituitosi, sed salibus volatilibus urinosi acrioribus, e. g. nasturtio & similibus antiscorbuticis, hypochondriacis, quæ diversa salia quando concurrunt, si nihil impedimenti intercedat, effervescent, ut acidum & alcali. Imo tanta vi inter se invicem agunt, ut etiam illorum effluvia invisibilia ad mutuum occursum nebulae instar crassescant, quod jucunde admodum videre est, quando spiritus urinæ rectificatus & aqua fortis in duobus vitris inclinatis & apertis, invicem prope admoventur. Deinde alcalia

fixa,



fixa; quæ per se spiritui vini rectificato haud connubunt, si aceto tamen probe imprægnentur confortium spiritus illius sulphurei non detrectant. Pariter eadem alcalia olea per se non facile admittunt *Cl. Bohnius Dissert. Chym. Phys. 2. §.* His præmissis respondetur 1. pulveres sternutatorios ad dimidium vel integri pisi molem in alterutram, vel utramque nares cum inspirato aëre allectos, aut pulsos, pituitam glutinosam in cerebri ventriculis glandulae pituitaria harentem, solvere, incidere, attenuare, omnem superat fidem. 2. Mercurium habere acidum in se spiritum concentratum, ratione ejus mirabilia sæpe præstat in humoribus glutinosis è cerebro per nares eliciendis, negatur ex *Dissert. 12. Paragr. 15. Celeberrimi Bohni*: Suum assertum probavit *Cl. Bohnius in epist. ad D. Ioel. Langelottum de Acid. & Alcal. Insuff. p. 433.* Salia volatilia acriora, e. g. sal volatile salis ammoniaci, à cujus spiritu ægri excitari solent, quando admoventur naribus in suffocatione hypochondriaca, Epilepsia, nempe ab ipsius odore acri, ut *Ipse ait p. m. 204.* ingredi cerebrum absque læsione, absque tumultu spirituum animalium hinc summo periculo, à me, ut credam, impetrare non possum: Licet temperata à spiritu vini rectificato, qui cum spiritibus animalibus magnam habet affinitatem, vide *p. m. 78. & 79. §.* Dico, non absque tumultu, probatur: Si spiritus animalis in Epilepsia à spiritu acido volatili, vel halitu acido & acri inquinati (h. e. ita mutati secundum suas qualitates, ut tunc sint inepti sensationi laudabili & naturali absolvendæ) corriguntur ac emendantur à salibus volatilibus, v. g. spiritu salis ammoniaci (quia contrarii) sequitur 1. à diversorum salium congressu fieri effervescentiam, quæ non est sine tumultu. 2. Sequitur, quod quamdiu vitiosa qualitate iidem spiritus sunt infecti, tamdiu post motus convulsivo præcedentestandem in vera convulsione permanere musculos. vide *p. m. 608.* Eisdem hoc probatur *p. 441. §.* Si convulsione quæ corrigitur ac emendatur à spiritu volatili, sequitur, ab hoc inordinatum spirituum animalium motum retardari, in musculis ac musculosis partibus demulceri, hoc est, causam proximam convulsione continentem (hancus acidus *p. m. 608.*) partibus suis acutis gladio-rum acutorum adinstar defraudari, quod sine conversione particularum insigni, & quæ hanc sequuntur, concipi nequit. §. Porro, si spi-

94.

95.

96.

97.



si spiritus vini rectificatissimus coagulatur à volatili sale salis armoniaci secundum *Sylvium* p. m. 80. Et experimentis chymicis notum est, ab acido admisto coagulari & inspissari quævis coagulabilia, p. m. 566. sequitur, quod vel spiritus vini habeat aliquam aciditatem, vel sal volatile salis armoniaci. Credo, inquit *Ettmullerus Pyrotech. Rat. l. i. sect. iii. c. i.* quod in spiritu vini acidum subsit. Hoc negat *Cl. Bohnius Epist. cit. p. 26. 58. 62.* Consentit *Bernerus tract. alleg.* acidum in spiritu vini utpote oleoso, mente non concipi posse. p. 14. 29. 37. §. Verum enimvero, quia *Charas l. c. p. 167.* inquit, sal volatile urinæ potentissime acida domare, à quibus ut plurimum fermentationes in corpore nostro excitantur. Et *Cl. Bohnius progymn. 14. Circul. Anat.* asserit: Sal urinæ non esse purum alcali, sed salsum seu nitrosum, vel potius sali armoniaco simile, id est, quod præter alcalicas acidas etiam particulas fovet: Judicium nostrum hic suspendimus. Saltem patet, si in spiritu vini acidum aliquod subsit, quod ab isto non ita, ut putat *Sylvius*, omne acre tam salinum lixiviosum, quam acidum temperari & mitigari queat, p. m. 79. Deinde si in spiritu salis armoniaci; non video quomodo hic spiritus per nares in cerebrum penetrare atque spiritus animales male affectos; acidos in Epilepsia tanquam contrarius p. m. 608. imò in raucedine humores acidos falso muriaticos & glutinosos tum ipsorum spiritus & halitus vim corrigendi ac emendandi habeat: p. m. 870. §. Et, si vera sunt, quæ thesi XXXIII. p. 21. Quoties &c. leguntur, & quæ th. XXXVII. p. 312. & quæ th. XXIX, p. 186. & quæ th. LX. p. 133. & quæ th. XLII. p. 182. & quæ th. XXVIII. p. 218. & spirituosis aromaticis: p. m. 218. Concluditur haud absurde, naturam humoribus serosis, falso acidis per fibras nervosas ossis cribrosi in coryza, sternutatione transitum in nares non denegasse. Si hoc, sequitur quod quando fumus succini admiscetur acido in his fibrillis, vel cerebro, necessario ut fiat tumultus insignis, effervescencia, motus convulsivus permanens, ut augeatur malum, & natura stimolata, istud medicamentum tanquam ingratum & noxium summo cum conatu per vias sibi non suetas expellat, magis lædet in sternutatione, quam proficiet. Imo arbitratur *Charas l. c. p. m. 280.* Si Magisterium succini cum aceto præparetur secundum Schröderum quod



quod acidum quod aceto inest & præcipitantibus adhibitis succini naturam immutet, & expectati effectus ab hoc magisterio non sint expectandi. §. Supposuimus supra spiritus animales esse salino volatilis naturæ ex *Etmüllero l. c. p. 115*. Et fibras ossis cribrati esse iisdem repletas, licet non turgidas; & hoc affirmavit *Sylvius p. 80. & 20*. Si igitur spiritus animales sunt salino volatilis naturæ, & motus per fibras est continuus, sequitur quod quando cum spiritibus animalibus miscetur, v. g. in his fibrillis nervosis liquor acidus, ut istos inquinet, vitiose alteret, nervos irritet, post motus convulsivos convulsiones permanentes efficiat, & alia mala gravissima, quæ in coryza vel sternutatione non observantur, è contra observantur in Epilepsia, cujus causa proxima & continens est halitus acidus secundum *Sylvium: p. m. 608*. Secundo si spiritus vini est sine acido, quod supra laudati Viri probare conati sunt, sequitur ab aqua Regiæ Ungariæ in coryza cum acido in nervulis oriri effervescentiam, & quæ hanc sequuntur. Tertio si spiritus salis armoniaci humores ipsos acidos falso muriaticos & glutinosos, tum & ipsorum spiritus & halitus corrigendi ac emendandi habet potestatem: *p. m. 870*. Sequitur hunc in nervulis dictis (ut jam non dicam, extrema prope omnium nervorum filamenta in membranaceas quasdam expansiones, non tubulos aut oscula terminari; saltem id certum est, nervorum poros adeo esse angustos, ut nulli rei, quantumvis subtili, præterquam spiritui animali quo vix quicquam in rerum natura datur subtilius ac efficacius transitus fores aperiant) quando adhibetur, humorem acidum emendare, corrigere, & si opus, incidere, quod vero experientia in coryza, sternutatione, & rationi reclamationat. Quarto, si sal volatile urinæ potentissime acida domat secundum *Charas l. c.* Sane ut fermentatio quædam in his fibrillis quoque fiat, necesse est, quæ fermentatio non adeo cito, tuto & jucunde in cerebro sive hujus appendicibus, absolvitur, prout opinabatur *Sylvius, p. m. 182*. §. Ad propositum revertendum, festinationi (cum multa adhuc supersint) & brevitati nostræ ignosces. Sequitur itaque secretio in membrana pituitaria à glandulis, quarum structuram minus recte ut nobis saltem videtur ex mente *Hippocratis* (cujus tamen auctoritas nobis est magna, quousque nec experientia nec evidens ratio

100.

101.

E aperte



aperte refragantur,) Et Müllerus l. c. c. 16. *Physiol.* docuit: Quia Hippocrates Glandulas l. de Glandulis r. 1. appellat σαρξια carnes, sed sui generis, quia σαρκος friabiles, h. e. conteri minutim manibus possunt. Deinde quia si disseces glandulas, sanguis largus erumpit, nempe ex venis, quas frequentes habent, specie albus, & velut pituita, hoc est sanguis pituitosus, minus perfectus, minus coctus. (Cl. Bohnius *Progymn.* 13. *Circul. Anat.*: serum sanguinis Hippocrates de Gland. Sanguinem album vocat.) Tertio quia molles contrahenti se offerunt, velut lana. Quarto quia si multa vi ipsas digitis compresseris, ἀδὴν ὕγρον ἀφίησιν ἐλαῶδες, glandula humorē oleosum reddit, quo violentius expresso & destituto glutine ipsa glandula comminuitur ἐξ ἀπὸ λυτῆς emoritur. Deinde quia Hippocr. l. c. dixit: ægrotant autem glandulæ non valde, sed una cum reliquo corpore, quū vero proprio morbo ægrotant (nam parum etiam cum reliquo corpore ægrotant) morbi tubercula fiunt, & strumæ resultant, & febris corpus occupat. Quia ἢ friabile non de glandulis, non de vasis cerebri dicitur l. c. r. 6. sed de tertio inter glandulas, inter vasa. Quia de corpore, quod est inter humidum & siccum medium, & facile in minimas particulas potest dissolvi: Quia caro friabilis sæpius apud Galenum legitur. Nostrum assertum confirmat D. Bruno in *Lexico suo Medico*: quem vide. §. De glandularum officio & habito respectu ad nervos, quoniam præfracte nihil, aut pertinaciter Clarissimi Viri hac in re asserere conati sunt, sed hypothesein tantum à longo tempore ab ipsis animo volutam, limatioribus aliorum iudiciis trutinandam proponere; æquum est, ut & nos per otium verum nervorum in glandulas insertorum usum quæramus: nam temerarii esse, ait Cicero, quod non satis exploratè perceptum sit, & cognitum, sine ulla dubitatione defendere. §. Postquam à glandulis membranæ pituitariæ conglomeratis serum à sanguine sequestratum est, istud, licet non omne, in cavitationem nasi effunditur, & per meatus non subsidentes expellitur. Quæ membrana secundum Anatomicorum doctrinam ita describi potest: Membrana pituitaria est fungosa, spongiosa, & glandulosa pars, quam plurimis diversigenis instructa vasis; nervorum propagines, arterias quamplurimas à carotidum ramis accepit, quas venarum rami in venas jugulares desinentes comitantur, in hac quoque observantur vasa habita offi-



cii ratione mucifera appellata (secundum Cl. Vieussens l. 1. c. 16.) hæc ab utroque anteriori ossis occipitis processu, cui arctissime adhærescit, oriri videtur, lateque extenditur, & totum fere, quod faucium nomine donari solet, spatium insternit, ac deinceps ad capitis anteriora tendendo, varias ad partes exporrigitur, adeo ut illa palatum, totum os vomerem, ossa spongiosa, in superna narium parte pendula, narium ipsarum, & patentium duorum meatuum, qui à naribus ad fauces tendunt, interiora obducant. Et, quamvis, inquit *Baubin*, hæc & tunica oris, linguæ & palati communes membranæ esse videantur, tamen in naribus, exquisito sensu tactus donata est hæc tunica, ita ut eâ irritatâ sternutatio fiat. §. Quæ est motus, & ut cum *Avicenna* loquamur l. 1. *Fenest.* 2. *doctr.* 3. c. 1. mixtus; quia completur conjunctione motuum membrorum pectoris & capitis simul. Motus pectoris est motus constrictorius, percipimus enim ipso contactu thoracem in sternutatione constringi, & comprimi abdomen, beneficio musculorum constrictioni inservientium, ut sunt musculi intercostales interni, & qui sunt alii ad hæc partes comprimendas dicati. §. Hic vero consensus fit propter affinitatem & communicationem nervorum intercostalium cum nervis à pari quinto. Unde minus mirabimur, ait *Du Hamel* l. 4. de *Corp. Animal.* c. 4: Si tantus sit inter tunicam narium & thoracem consensus, si musculi pene omnes in sternutatione conspirent: si post pleniorē inspirationem, tanto cum strepitu aër in expiratione per narium cava diffletur, si omnes pene corporis musculi in sternutatione quatiantur, ac si quid molesti iis inhæserit, penitus excutiat. §. Hanc excussionem Cl. *Vieussens* l. 3. c. 5. ita explicat: in sternutatione statim atque nervæ fibræ, quæ in membranam narium interiora occupantem desinunt, à re quavis acri vellicatæ corrugantur; illicò diaphragma propter altiorē inspirationem à spiritu animali per nervos intercostales de vecto excitatam deprimitur, & subinde membranæ narium spasmo remittente, septum transversum superiora versus vehementer retractum, violentam expirationem excitat. In qua addit *Du Hamel* l. c. aër inspiratus cum impetu exploditur, & qui secum abripit humorem in naribus hærentem. §. Quæ cum ita se habeant, hi ad unum omnes à veritate quam longissime abesse

104.

105.

106.

107.



videntur, qui cum sternutatio existit, in cerebro flatum semper gigni cogique, & mox per ossis cribriformis foramina cum spiritu sonoque emitti, ac una cerebrum & ejus membranas vehementissime intus moveri arbitrantur. Patetque, quanta in hoc Hippocrati pronuntiato sit veritas; Si rursus ita accipimus: Aph. 51. Sect. 7.

Παρμὸς γίνεται ἐκ τῆς κεφαλῆς διαθεματόμενος τὸ ἐγκεφαλε, ἢ δευ-  
γραινόμενος τὸ ἐν τῇ κεφαλῇ κενῷ. ὑπερχοῖται ἐν ὁ ἀὴρ οἰνῶν ἔξω. φορεῖ  
δὲ, ὅπῃ διὰ σενῶ ἢ διέξοδῳ αὐτῶ ὄρν.

108.

§. Ex his talem sternutationis definitionem struimus. *Sternutatio* est motus violentus, & vehemens, thoracis imprimis & narium simul, celer, semel, bis terve plerumque repetita, qua membrana interior nasi, & pituitaria, à spiritibus animalibus moventur sursum, hoc est, à nervulis quintiparis contrahuntur versus illorum principium: unde humoris pituitosi, serosi, aquosi, spirituosi, sed sequestrati, expressio, hinc modo simplicioris, modo magis compositi, modo crassioris, modo tenuioris, pellucidi, modo obscurioris, falsi aliquando, insipidi, inodori naturaliter semper, ut emissario publico, conveniente, excretio. Et post aliquam inspirationis inchoatæ suspensionem, subito & magna, sed mox iterum cessante vi, per nares & os aëris cum humore una vice explosio, unde quia istis transitus est per angustum, hoc est, per anfractus, gyros, cavernas, cavitates; strepitus & sonus. Ut advertatur noxium à causa externa internave illatum.

109.

§. Jam intelligitur, quid sit sternutatio, ubi ista generetur, quænam sit forma sternutationis, nempe motus violentus cum sono in naribus. Pro genere habet motum pravum, qui membranæ narium est proprius, non cerebri, ut motus subjectum; sive motus, ut attinet ad membranam est passio, ut ad cerebrum est actio, in quantum mens in cerebro dominans, per facultatem expultricem à mæsto membranam liberat, interim, licet juvet, manet tamen sternutatio motus pravus. Sternutationis causa efficiens prima, est mens, secunda nares, quamvis nares primo irritentur, & secundo mens admoneatur, tertia motus capitis, thoracis, imo totius corporis; & hæ causæ omnes à causa vel externa vel interna, cum tamen omnis sit externa. §. A forma non sumuntur differentiæ, nisi secundum magis & minus: ut in sternutamento motus pravus cum sonitu, est vel magis, vel minus pravus, unde in quibusdā sonus acutus aut magnus haud auditur,

110.

sed



sed valde exiguus est, & ad sternutandum potius impetus aut conatus. Unde sternutationis motus est celer, bis terve repetitur plerumque. Observavit vero D. Schubartus: quod Nobilissimæ cujusdam famula, nocte ingrediente, ante decubitus ex improvviso ter centies & ultra sternutaverit, & quæ tertia vice, semper intervallo unius diei, hæc molesta & periculosa sternutatio, noctu rediit, nihilominus tamen ista adhibitis medicamentis convaleuit, vide *Ephemer. Med. Germ.* Annum 3. & Schneiderum *l. de Osse cribriform.* p. 460. Memorabile est exemplum cujusdam Græci Suiri, qui vulneratus circa tempora per sagittam à Turcis post annos 25. concitatis supra modum sternutationibus, magno pruritu inter maximos conatus, è naribus sagittæ frustum, digiti medii longitudine, ferrea acie rejecit, nec aliam vulneris notam reliquit: Schenckius *Observ.* 342. de Cap. Hum. Aliis alia ex sternutatione crebra subvenerunt mala. Sic tempore quodam Harlemono petebam Amstelodamum, aderat in navi quidam de grege isto hominum, qui pulveres suos sternutatorios commendabat, ut medicinarum omnium compendium, & omnium Doctorum, ut aiebat, opprobrium; quippe qui subito efficerent sine labore ægri, quod illi catapotis, & purgationibus præstare nequirent. Inter hæc rusticus quidam, nescio, an scrupulis quibusdam, an omine adductus, interrogat, num nam nocere posset pulvis iste, audivisse se ad mortem usque procedere posse sternutationes istas; ingereret audacter, reponit circumforaneus, sternutationibus, credo, frequentibus, & quodam miseri incommodo, eum ridendum volens propinare circumstantibus. Haurit impigre rusticus, & sternuere ita vehementer incipit, ut sanguis sequeretur tantâ copiâ, ut miser exanimus concideret, & Amstelodamum delatus, diu decumberet: *Th. Kerckring Spicil. Anat. Observ.* 51. §. A Subjecto non sumuntur differentia, quia semper est membrana narium interior. Quoad causam efficientem, præcipuè differentia sumuntur, à causa irritante facultatem expultricem membranae. Hæc quoad speciem est vel externa vel interna. Quæ causæ Procatacticae, vide *Aph.* 13 & 23. Sect. 3. Hippocratis, *Cellsum* l. 1. c. 2. *Platerum* tr. 1. *Prax.* c. 5. Item somnus diuturnus, diurnus, matutini excessus, meridiani usus. Vigiliæ intempestivæ nocturnæ. Cibi frigidi & humidi, saliti & sale nimium conditi, multi vel cerevisiæ seculen-

III.



æulus &c. Quæ *αἰνυμένη* sternutationis vide Doctissimi Holle-  
rii Comment. & Schol. in Aph. 51. Sect. 7. In qua tamen explicatione  
sunt non pauca, quæ merentur ad incudem revocari. Sed hoc, hu-  
jus loci non est, cum in antecedentibus exstet. Causa continens  
sive immediata est natura irritata quæ expellit, sive strictius uti  
secundum *Plempium* l. c. 1. 4. c. 4. Soluta unitas est causa continens,  
morbi in soluta unitate, ita ipsa expulsio sternutationis. Hæc 2.  
quoad effectum est vel salutaris vel morbifica, ista, quæ agit tempe-  
stive, hæc si intempestive. Sternutatio quæ à causis externis ortum  
habet, per se manifesta est, exq; causæ ex revelatione innotescunt,  
ita ut signis ad ejus cognitionem opus non sit. Verum enimvero  
cum causæ, à quibus excitatur, variæ sint, omnino signis opus est,  
quibus illæ cognoscantur, ne empiricorum more, cum ægri da-  
mno, cuilibet sternutationi, quodvis remedium applicetur. §. Ex-  
terna & quidem manifesta istius nimix sternutationis fuit causa,  
quam L. Apulejus l. 9. Metamorph. recenset, ubi Pistor in-  
quit: Contubernalis mei fullonis uxor, alioquin servati pudoris  
ut videbatur femina, quæ (semper) secundo rumore gloriosa, La-  
rem mariti pudice gubernabat, occulta libidine prorupit in adul-  
terum quempiam. Cumque furtivos amplexus obiret assiduè, ipso  
illo denique momento, quo nos lauti cœnam petebamus, cum eo-  
dem illo juvene miscebatur in venerem. Ergo nostra repente tur-  
bata præsentia, subitario ducta consilio, eundem illum subjectum  
contegit viminea cavea; quæ fustium flexu in rectum aggregata  
cumulum, lucinias circumdatas, suffusa candido fumo sulphuris,  
inalbabat. eoque jam, ut sibi videbatur, tutissime celato, men-  
sam nobiscum secura participat. Interdum acerrimo gravique  
odore sulphuris juvenis inescatus atque obnubilatus, intercluso  
spiritu difflebat: utque est ingenium vivacis metalli, crebras ei  
sternutationes commovebat. Atque ut primum è regione mulie-  
ris, pone tergum ejus maritus acceperat sonum sternutationis,  
quod enim putaret ab ea profectum, solito sermone *Salutem* ei fue-  
rat imprecatus, & iterato rursus, & frequentato sapius, donec rei  
nimietate commotus, quæ res erat, tandem suspicatur. Et, im-  
pulsam mensam protinus remotaque cavea, producit hominem cre-  
bros anhelitus ægre efflantem, inflammatusque indignatione contumelie,  
gladium flagitans, jugulare moriturum gestiebat; in respectu communi pe-  
riculo vix cum ab impetu furioso cohibuissem; adseverans brevi, absque



noxa nostri, suapte inimicum ejus violentia sulfuris perituum. Nec suadela mea, sed ipsius rei necessitate lenitus, quippe jam semivivum illum in proximum deportat angiportum. Tamen uxorem ejus tacite suasi, ac denique persuasi, secederet paululum, atque ultra limen tabernæ ad quampiam tantisper familiarem sibi mulierem: quoad spatio fervens mariti sedaretur animus. § Interna & quidem occulta illius sternutationis fuit causa, qua mos invaluit, ut oscitanti aut sternutanti salutem apprecemur. Cujus moris *Athanasius Kircherus in scrutinio suo physico Medico contagiosa luis, qua dicitur Pests, sect. 1. de caus. & effect. Pests, p. 118.* hanc originem refert: Sub Agathonis Pontificatu, prodigiosa pestis sævientis tempore, malus Angelus forma sensibili visus est domus contis impetere, tot funerum elatione, quot ictus dedisset foribus; & tanta fuit veneni exitialis efficacia, ut vel ad oscitationem aut sternutamentum homines conciderent exanimis; unde & ab eo tempore mos invaluit, oscitanti aut sternutanti salutem apprecari. *Idem*, hujus consuetudinis, hanc originem prodit: p. 412: Sub Gregorio Magno post immensam Tyberis inundationem, & congestam putrefactorum serpentum in littora multitudinem, is. Januarii, teste *Gregor. Turon.* Lues inquinaria Romanam invasit, immissa ex ira divina: Nam § Gregorio teste, visæ sunt sagittæ coelitus delabi in homines; iique mox peste improvisa percuti, quæ eadem primò S. Pelagium Papam confecit, cui cum Gregorius Magnus successisset, pestisque modus non esset, sanctus Pontifex mox processionem sive Litanias septiformes instituit: in qua Deiparæ Sanctæ Mariæ Majoris à S. Luca depicta, ad Sancti Petri Basilicam delata est, & simul ac illa Pontem ad Molem Adriani pertigit, in signum reconciliati Numinis Sanctus Gregorius Angelum supra ipsam molem nudatum gladium in vaginam recondere vidit, eoq; symbolo morbum cessasse, intellexit, quemadmodum eidem per sagittas coelitus fuerat præsignificatum; tanta autem fuit atrocitas, pestis, ut vel in ipsa processione multa millia hominum sola sternutatione caderent exanimis, unde postea mos inolevit, ut sternutanti salutem precarentur. Addit *Siffri-dus Chron. epit. à Fabric. excerpt p. 281.* Pestis inquinaria vero fuit apostema sive inflatura in inguine. Addit *Fr. Ioel l. c. Sect. 3.* Olim cum per Christianum orbem sævissima lues epidemica grassaretur, circa ventriculos cerebri tumores abscessusque oboriebantur, unde statim vel in Apoplexiam incidebant aut prorsus extinguebantur. § Sternutatio quid, quoad formam, quoad subjectum, quoad causam efficientem & ejus speciem, & speciei affectum, partim ex antecedentibus, partim vero ex sequentibus patebit. §. In foro nostro, gravedines & sternutationes in omnibus circa pulmonem morbis & antecessisse & succedere malum est. At in aliis morbis lethalissimis sternutationes prosunt: *Hipp. Pranot. t. 13.* item *Aph 49 Sect. 5. de Morb. Mul. l. 1. t. 23* & *l. 2 t. 43. Aph 55. S. S. Celsus l. 2. c. 8.* In morbis vero gravioribus & periculosis, si sternutationes etiam si errhinis fortioribus exhibitis non sequuntur, Medici nostri, difficilem, ancipitem, vel nullam curationem fore prædicunt. Porro Sternutatio pauca bona est, copiosa irritationem majorem notat. Sternutationes duæ, tres, quatuor in sanitatis latitudine sunt bonæ, quia vasa mundificant, & robur naturæ indicant. Aliquando sternutationes sunt nimix, quæ etiam sistendæ, quia oculorum læsiones, scil. inflammatio-

113.

114.

115.

nem



116. nem & alia mala accersunt, vide *Cel. Wedel. l. 2. sect. 2. c. 15. Amœnit.* §. Non porrigenda sunt Ptarmica pueris & infantibus, gravidis, tabe confectis, valde carnosus, plethoricis, aphtris, fracturis vel luxationibus costarum, pulmonum ulceribus, hæmoptisi laborantibus, herniosis, nephriticis, hydropicis. Non exhibenda, quando pituita admodum tenax & viscida, & instar glutinis adhæret membranæ, nondum confecta, si sanguis ex arterioso aut venoso vase per nares fluit, aut etiam serum copiose & præter naturam. Quibus porrigenda haud difficulter jam constabit. Sequitur Curatio. §. Sedatur sternutatio nimia 1. Si inordinatus sanguinis motus tollitur, à quo deducitur istud, quare nonnulli, qui à Venere abstineant, conspecta pulchra muliere facile sternutent. 2. Si diaphorisis procuratur: nostri asserti fundamentum est *Cl. Willisi* pronunciatum, ab experientia petitus: *Secl. 1. c. 2. Pharm. Rat.* 3. Si diuresis non negligitur. Si fervor magnus acidiusculis, frigidis, compefcitur, si aciditas humorum destruitur, si falsedo corrigitur. Quibus vero remediis, hujus loci non est. Sedatur sternutatio nimia ab Errhinis & Ptarmicis. Si interior narium cavitas munitur contra erosionem humorum acrium & vellicationem stimulantium, nempe demulcendo. §. Itaque postquam hæc in curatione sternutationes nimie ex Fonte Pharmaceutico observata sunt, & simul roborantia si opus non negliguntur. Ex Chirurgico vero venæsectio, cucurbitulæ, vesicantia, Ligaturæ, Frictiones extremorum. Frontis, Colli, Palluti, & alia. Ex Diætetico aer calidus: non frigidus, sed moderatus, purus non nebulosus, lucidus non fumosus, non humidis vaporibus repletus. Cibus, potus temperatus, ratione quantitatis frugalis; ita & somnus, juxta istud: jejundet, vigilet, sitiat, qui *σύνετα* curat. Motus non excedat modum, sed sternutaturus se parum ambulando moveat, sternutans calidum se contineat, & quieti se postmodum tradat. A Sale, à Balneo, à Venere abstineat. Alvus constipata sui officii admoneatur, urina, sudor, & quæ excernenda sunt, indies respondeant, & æger non desperet salutem, sternutationis nimie exoptatum speramus finem. §. Conclusioni annectimus votum: De causa Epilepsie inquit Hoffmannus: Novimus fuisse votum magni Cratonis, utinam ante vitæ suæ exitum aliquis ostendat. De modo, quo sternutamentum fit, idem plane voveo ego. & alibi: Sternutatio est opus tam mirabile, ut hætenus nemo vel Philosophorum vel Medicorum explicarit modum, quo fit. Attamen, pergit *Cel. Schneiderus libro sapius citato p. 443.* annittitur ut ipse vim rationemque sternutationis explicare videatur. §. Sic  
- - *Nec meus audet Rem tentare pudor, cum vires ferrere recusent.*  
Et tu nihil invita dices faciesve Minerva, insuper: Natura pavoris est, ut omnia metuenti, præsentia maxime displiceant. Tamen quid tentare nocebit, & rem à pluribus non bene intellectam atque incertam, aggredi, diligenter inquirere, neque desistere, ita ut habeamus nihil, tentatis rebus omnibus, in quo acquiescamus. Itaque quis tam durus hanc nobis non daret veniam? neminem puto: Si non perfectio, at conatus tamen & adumbratio rei, quæ forsan limationibus ingeniis, ad negotium hoc solidius excolendum ansam dabit. Impetraturi vero eo facilius, ut nobis ignoscat quicunque, quia sententiam, quæ magis rationi, & experientie, respondet, amplecti parati sumus. Et, *Hic teneat nostras anchora jacta rates.*

Soli Deo T. O. M. sit Laus, Honor & Gloria in sempiterna secula.